

嶺

南

羣

雅

嶺南羣雅

番禺劉彬華藻林輯

宋湘

字煥襄一字芷灣嘉應人嘉慶己未進士今官編脩著有

不易居齋集及豐湖漫草續草

王壺山房詩話

文章醇而後肆襟抱豪邁故揮毫灑翰皆具倜儻雄奇之概詩沈鬱頓挫直逼少陵豐湖以後諸篇又有大成遺韻

要其務磊落實從真性情溢涌而出自成爲芷灣之詩

未嘗規

規於前賢格調也比來梅州詩人若繡子秋田二李石亭秋風二葉並稱傑出皆自芷灣倡之

雜詩四首錄二

汲井下銀瓶起瓶月上手瀉水入銀杯舉杯月亦有納之心與  
腸足可轉八九八九轉無端拥之清且寒誰謂心腸中不能如

芥寬

閱世四十年。忽忽歎無成。人苦不自知。百感戕其生。陶潛猶乞食。杜甫尚依人。吟詩豈在好。得酒還獨傾。公卿聞美人。我何羨。

公卿

夜雨

連日天氣蒸春光。快花剪樓閣。生暮陰。頓失棉衣暖。幽人觀化心。事事不得懶。一更紙窓鳴。二更聲忽斷。三更啟戶出。掌濕不可卷。始知春雨細。一使春風軟。簷響始不聞。樹滴漸可辨。水虫滋。新吟爐煙迴。虛轉不覺倍懷人。殘燈伴孤館。

讀杜工部集四首

此老愁心極。千秋一擅場。不成爲稷。嶄終得掩。曹楊公詩賦料  
揚雄敵詩。  
看子建  
龍流落才招取遭逢事感傷安排詩作史有意果斧督  
獻賦初心在叅謀百計違艱難畱草履涕淚說戎衣諫草無人

見朝班有夢歸十年秦蜀路又逐楚雲飛

滿目雖多事扁舟亦可憐逢人皆乞食訪道不成仙兀傲開元老嶧嶧大歷年落花漫新句風雨暮江前

自許詩堪老原知死更傳山川書劍過歌哭日星懸髮豈風塵白心猶道路憐千秋江漢月寂寞亦娟娟

適讀杜少陵寄五弟豐詩見其與四亡弟同名掩卷感絕

生離猶惻惻死別況茫茫破篋文長闕殘封蠹已僵多年偷墮淚有父在高堂不見墳頭草而今又六霜

山齋秋夜四首

樹雨殘留滴林風遠遞生無霜燭壁冷有字草蟲清頓挫名心死崢嶧病骨鳴難孤山外月整鬟繞階行時方脚疾

乍見山河影西窓一抹痕漸多微礙樹又上欲當門孤客荒吟  
思沈病負酒樽掩關愁索臥半落夢中論

不寢非關冷何悲亦爲秋井欄鳴闌葉簾角入牽牛書劍憐生

計江湖感昔游披衣行更坐風露一螢流

纂纂將英菊離離就熟葵葉明團露細香暗著風遲客味閒難  
得秋心靜易知呼童看北斗城柝夜何其

健馬篇

健馬可用而不可用老馬不可用而可用君不見健馬一日可  
萬里騰風掣電血微泚失脚已困溝中水健馬不可用而可用  
老馬可用而不可用君不見老馬百戰膽不寒出生入死天地  
寬血肉臭腐皮骨乾馬兮馬兮予心酸

八月十五日得四川官軍掃蕩安樂坪賊匪捷報二首

談兵不到草萊臣聞喜猶能作頌聲三載 聖人勞旰食萬方  
赤子請長纓原知此輩魚游釜頗費將軍竈減營拉朽摧枯  
好乘勝河清還我舊昇平

上皇萬壽 聖皇朝一片紅旗到九霄自是 天庥應如響誰  
逃 國法妄興妖勢成破竹師無敵幕有巢鳥將勿騎卽待春  
農歸洗甲便趨 春殿共聞 韶

人皆議少陵絕句爲短予以少陵自不肯爲人之所長  
若夫古今派別焉可誣也杜自云法自儒家有心從  
弱歲疲或輒以別調目之是可異已作二絕句

豈果開元天寶間文章司命付梨園諸公自有旗亭見不愛田  
家老瓦盆

滿眼餘波爲綺麗少陵家法必風驟千秋尚有昌黎老流出崑

備第二條

聞雁

只道霜應落寧知雁已飛寒空千響咽獨夜一燈微到我門前  
水逢人月下機莫因無字去須得有書歸

重問

後雁續前雁前鳴催後鳴追飛應不遠急響若爲情月塞千山  
迴霜天一夜明如何北遊者不解向南征

又問

每到人聲定長空又雁聲一年秋幾夜萬里月孤明作客原無  
賴浮生復爾情獨憐來去易偏挾羽毛輕

十月十五日夜雪一首

簷日晚尚明野煙昏已滿禁城柝遞深人海聲遙緩大噫一

以息寒鄰百相欵昏燈照敝裘滯客嬰荒館移几俯熾爐取泉  
注深盃疎櫺瑩新明虛幌薄餘煖倒影浮樓臺流光接町疃呀  
呀驢何鳴淅淅葉微伴檢時正小雪紀日當中澣兆豐期匪愆  
集霰晷叶短以茲陰陽調則喜灾沴罕前者莫一葉窺天手寸  
管曰朔鳥則虧日望免斯斷而皆濃陰護章亥不足算舜心  
自有雲宣時漫多旱穆穆兩聖人旰食不忘遠合信德同  
天况談山壓卵洗兵豈無日挽河卽堪盥紛紛楚蜀閼跋跋麋  
鹿轉此皆太平民輕棄百家鄒文德以遠懷武功亦載續殲渠  
咸維新誕告在用亶眷牛郭北眠思婦城南憇諸將夫何人庖  
丁識大寡此夜倘入蔡作碑韓誰袒

曉起對雪三首

錄二

到眼清華也不貧十分冷淡足精神羞無明月來涵影略有迴

風去逗春童子乞隣知請火先生擁絮肯千人多情頗愧庭前  
鶴一步移將一步親

身在樓臺縹渺間清光如此不塵寰縱嫌衣薄應須耐便壓簷  
低那許刪畫裏孤舟人釣水夢中一樹我游山安排驢子橋頭  
去消受先生此日閒

湖居十首錄七

水割東城斷城根水拍門路纏分一艇人已住西邨僻舍聯樵  
牧餘韁護犬豚讀書更垂釣沙鳥此乾坤

藤菜家家足山茶戶戶儲門生時致酒隣父或投魚詩半開鐘  
後行多過雨初江湖真滿地風月自吾廬蘇詩豐湖有藤  
菜似可敵尊羹

竹外月光來湖天洗更開六橋千點樹獨夜一層臺海隔人間  
世身留掌上梧不知蘇玉局可似我徘徊

日日蘇堤上游人語不休兩橋成故事一帶有千秋身後名何  
補生前酒幾酬可憐人月意感慨亦登樓蘇詩可憐人與  
月夜夜江樓下

欲問羅浮月梅花只掩關迢迢佛跡水莽莽象頭山採藥先春  
種投丹幾夜還頗愁多病骨無分逐仙班

屋後新亭子能來醉幾回江流斜日去月照大蘇來太守先能  
賦諸生亦半才都須留幾字鐫上綠苔苔

家好年常住詩須日一篇盤盤青草地曲曲白鷗天便擬求湖  
疏多留賣賦錢買山兼買水二頃稻花田

白鶴峯謁東坡先生故居四首

晨起支尺筠來上白鶴頂崇階可百級道高心已領入門拜堂  
前遺像肅高閭焉知神似不指月得其影平生未見心已見不  
敢請下堂復升堂徘徊見遺井

日德有鄰堂日思無邪齋鬱鬱八大字千年還復佳豈非有精

靈海天驅風霾太守好事者摹勒重安排此功亦不小後世有

吾儕

伊墨卿太守新摹公書八字入石嵌壁間

長江在北戶青山滿牆頭青山自萬古長江亦千秋先生不到此荒荒空一邱當時事已過何必重怨尤請看題詩處江天如許悠

少小愛古人文章杜與李餘子自卓卓先生三而已李杜不南游私公如柔梓翟生亦何緣林婆良獨喜劉安爲神仙雞犬無生死舊時合江樓今日西湖裏愧喫惠州飯我生亦丙子

浴風閣秋夜二首

竹樹連城暗人家列嶼明湖山深海氣樓閣豁江聲得水自能靜况秋無限清若看蓬島月又與小簷平

白白鷗依渚蒼蒼鶴點煙堤深籠樹直山遠貼天圓客枕滄江  
外秋心白露前漁樵回記日風雨欲經年

秋晚准提閣二首

湖到山前大天從海外微城眠江暗轉邨出樹明圍半閣新楓  
葉三秋老客衣頻來無一事捫疎送斜暉

葉帶疎鐘下人先一鳥高眼前身是粟天際鶴無條兩塔捧雲  
定一燈蹲佛牢風旛無限理江月自江濤

小圃雜詠五首

豆蔓

湖風吹欄杆野意生戶牖種豆十日前蔓豆十日後湖泥富精  
華湖雨足深厚而我兩得之豆力亦大受一日蔓一尺十日殆  
可蔽晨興課僮僕插竹援之走有葉當有花作莢大如拇指目

氣已清佐發理亦有因念蘇子瞻羔豚比菘韭更念杜少陵菜  
把量好醜書生例說食瑣瑣每在口先生意云何豆熟謀一斗

芭蕉

門生致十株鄰僧十株餘一日收衆緣真愜野人居野人不善  
書求者如求珠虛名累腕脫蘭紙堆座隅豈有閒筆墨及爾生  
與枯芭蕉坐無用焉知吾用殊湖荷已折盡階桐况未蘇秋夜  
正多雨客散燈火孤誰能酬寂寞獨有瓶笙俱

盆蘭

簡生隱花田訪我入城市贈蘭如贈心以素不以紫此意長佩  
之遠攜三百里前日訪鄧生置酒向芳沚歸亦餉二盆盆古花  
復美庭中有二妙二妙對一士一士却自崛客何爲者矣指爪  
長如牙眠坐衆香裏不撮一寸土不抱一甕水夜深好風來慙

愧記一紙

盆菊

人菊高如芹吾菊始若齊露氣增夕涼秋風日深遙屈指數重九年光信無幾僅僕背我言花開瓶罄矣作事落人後平生類如此我愧聞此箴沈吟重沈吟糞菊復澆菊徘徊修竹陰汲井井水深淘湖湖泥沈時命共遲暮菊當知此心

竹不生

小詩乞籠竹我亦杜少陵伏雨不助我秋風大掀騰種竹當削尾削尾絕其櫻將使性正定乃得氣上升此語夙所聞此解吾亦能謬希一轍伯坐失周靡登以我志氣躁成彼性命輕葉葉槁如草枝枝委爲藤題詩已無處尚挈中宵燈破甌顧何益墜劍心自縛月下荇藻影夢中鸞鳳聲鄰家倘終惠後悔予其懲

寄陳榕溪師三首

只有胸填血都無淚滿巾艱難恩盡負天地我何人負米悲前  
世傳衣感此身蒼茫頻北望一老尙風塵  
國士成何用平生分許深行藏萬里眼聚散百年心患難空搔  
首憂傷獨倚吟纔知真畫餅吾道不黃金

說有言歸日何翻久客爲十年官洗水八口命懸絲失路天難  
問移山帝豈知夜深香一瓣風雨又淒其

白鶴峯東坡先生故居後六首錄四

文字真何罪君王况未疏偏人吟過嶺許我和移居田舍懸陽  
美樽罍迫歲除所欣方太守詩走尙蠅廬

磨蝎難逃命臣心本致君青山今日屋白鶴古時雲爲想羅浮  
興翻思醉睡欣昔人皆已死來者阿誰聞

難弟循州住佳兒白水遊天涯忠孝伴樓外月人畱父老懸青  
史林婆識白頭獨憐新井溢明日已瓊州

一例南飛鶴風流寧遠軍休將赤壁賦來薄上櫟文盤好供丹  
荔祠兼喚夢雲秀才應解事燈火念宵分

人日同墨卿太守陰青原居士

東林自准提閣至永福

寺

東風燒到木棉枝半欲青山叫畫眉念我不來春六日有人先  
踏草多時僧僧茗供新年餅寺寺苦侵舊客詩一歲勝游重紀  
起青鞋布襪老家贊

木棉花二首

丹魂拍拍氣熊熊倔強虬龍燭燒空人到海頭纔眼孔花真漢  
後得英雄越王臺上春初日廣利祠前夜半風萬道虹光掣南

崖南羣雅

斗爲誰名壓荔枝紅

歷落嶽崎可笑身赤騰騰氣獨精神祝融以德火其木雷電成  
章天始春要對此花須壯士卽談芳緒亦佳人不然閒向江干  
老未肯沿街賣一縷

桃花

宜笑自成憐如言轉不妍無人有人處一水一橋前暮雨條條  
暗春風面面圓滿山何遽俗莫倚海棠眠

水仙花

聲在七絃絃聲停一黯然欲續陳王賦風波不可傳瞭有燈前  
影尋思鏡裏煙含情託芳芷沅渚問年年

柳生

誰挿柳挿柳易生亦易折世上何人不離別誰挿柳挿柳易折

亦易生春風春水多春情情何處柳邊去鶯鶯歌燕燕語才子  
題詩贈飛絮飛絮化作萍春來柳又青愁煩歡喜亦何有柳不  
累人人累柳

望雨四首呈墨卿太守

楚蜀連年賊春農未荷戈朝廷此仁聖風雨合甘和奏凱  
師將入扶犁候可訛如何村郭外不見擁青蓑

帝德原同轡天心况至仁繼經燕大水可又粵無春秧馬家家  
急畊牛夜夜巡海頭蛟蜃地莫易見荒民

使不關人事何能責上穹太平無坐得凡百有憂同但是關民  
計都能誘帝衷最防姦吏手文報總和豐

耒耜銷兵氣桑麻愛此身由來愚百姓全仗飽爲人寬猛俱調  
燮陰晴有鬼神遙知賢太守先我幾露巾

惠州感事四首

人事真難料潢池輒弄兵依然同日月直不受生成此輩吾何愛蒼生骨欲鳴殺人今似草師出那無名

籌筆非吾事維桑獨此心山川頻聚米狐兔竟逃林漸轉青天粟仍搜赤地金可憐聞野哭一月不銷沈

漫說神仙界羅浮一萬家焚巢吹劫火打草出長蛇窟穴通閻廣梯航視輔車莫憑山壓崩小小覩含沙

處處聞吹角家家此斷魂水渠紛織筏山寨抑成邨說客心何有書生事可論勒銘定何日灑涕向黃昏

清溪舟中

翠竹來醒目清溪此寫心月沙寒自靜石水淺能吟永夜聽舟語初歸喜土音誰知惠州客破涕始從今

韓江舟中

海色荒荒合江流。滄滄陰到州。潮勢闊。入夜斗光深。問水思蛟  
鱗。懷人感古今。當時韓刺史。植柳幾成林。

韓江樓題壁

十丈扶雲石。三盤俯水樓。時常千樹雨。日夜一江流。有客來吹  
笛。看山不轉頭。獨憐僧茗意。畱嘯海天秋。

讀史三首

錄一

廣不封侯數已奇。對刀筆吏實驚疑。鴈門故老還垂淚。能說南  
山射虎時。

湖上感懷四首寄伊墨卿先生

都知湖水不曾腥。亂後還畱夕照亭。三語竟成賢守識。一官難  
共舊山青。琴聲古屋春調鶴。燈火諸生夜講經。父老百年纔拭

目那堪重讀峴山銘先生于書院後山亭子題曰久無時已處其爲議越月果落職而博羅有事  
落葉淒淒滿院廊豆棚頽倒雨聲荒及門不去秋星曙舊幕重  
樓春燕忙說鬼東坡胸有淚吹竽南郭益無糧畱題到處殘風  
月祇是當時興最狂

讀書堂角一梅花昨夜今朝也自斜無處寄人春點點何人伴  
我路父父鄉愁歲暮真多感白骨黃塵况萬家誰信羅浮枝上  
月曾經連月照悲笳

傷離傷亂總含情破榻殘燈夢幾成此後定誰新刺史路人猶  
識舊先生惠州飯飽兒童長湖水春深草木明最是雪痕難掃  
地鷗鴟不住六橋聲

湖上五別詩

并序

兩年湖上種樹栽花若閒若忙雅有真趣山水風月

非一人之私我偶得之我偶私之云爾於其別日各紀以詩

別湖花

種花見花開花開客言別眷此灌漑勞念彼歲時凋春華信爲榮秋實理當結好善護本根持以詒來哲

別湖山

湖山閱多人賢愚俱不言山花百相媚衆妙真一門念我山中人每倒花下樽慙媿山鷗鴟當別猶殷勤

別湖水

我出具一艇我入奉一瓢我衣無宿垢我硯有良苗猗嗟湖之水於我乎逍遙懷哉清漣漪臣心以久要

別湖風

故人不別我我別故人去今夕湖水上明日知何處欲將舊釣絲結在湖心樹湖樹吹且長釣絲理如故

別湖月

湖月出湖東落亦湖西邊知我在湖上只照湖水間寂寞夜復夜寸心時往還安得結湖屋人月無關山

嶺南羣雅

畱禹劉彬華藻林輯

徐旭會

字曉初和平人嘉慶壬戌進士官戶部主事著有梅花閣

吟

玉壺山房詩話曉初詩學受自其尊人可亭先生風韻蕭  
陳尤工五言短什句句如虹懸秋刷勵雲門亂山多野水浮  
孤棹春潭浴亂星懸崖雲遏馬嘶澗雪扶櫓流泉爭赴  
野碓驟間雷天遠雲歸疾沙寒馬去邇皆清警可誦

和平舟行雜興

山城如斗大負郭繞寒流欲向羅浮去城門下放舟

兩岸鷗鴟鳴春江徹底清蒲帆纏半日已過尉佗城

書齋

枯樹移凍禽虛簷落殘果物情慙靜契孤懷此危坐下帷繙哲

士余影自觀我冉冉幽香來窓月梅花妥

郊行

取次春光染柳條半隄斜日雪初消梅花歷亂江郵路放到溪  
南第幾橋

淨慈寺

南高峯接北高峯華表空留羽客蹤惟有淨慈烟外寺送人歸  
路數聲鐘

歸雲洞

石障自生雲雲歸更何處好在看雲人無心任來去

宿山家

石泉激清響泠泠聞玉琴獨宿荒山中松月照我衾起視夜何  
其天高星斗沉歲華去飄忽似馬驅駿駿懷人在空谷何以寫

遠心山鳥亦驚起如助幽人吟悄焉誰與語萬籟同蕭森

東渭川

爛然花與思俱新老筆縱橫格愈醇大海波瀾富篇什長官風雅有斯人中原死友尋遺草鄉下殘碑盡出塵銅雀臺煙嵩嶽雨題名何處駐雕輪

家園八詠

錄二

梅花閣

宿鶯起寒塘山雲過簾箔蒼苔人迹稀時有梅花落

紫雲山

山翠長如滴山雲不厭看遙知惠連輩相對說長安

俸米

會計無能餐欲疎又頒春俸代耕畲素餐此日慚公餗索米

他年借蹇驢淮海波恬鐫賬後漕河舟穩輓輸餘微臣也共侏儒飽閒課園丁剪晚蔬

東宋芷灣太史

貫聽濕薪爆竹聲書愈瘦勁詩愈清尋花遠踏古寺徧沽酒獨對西山傾麤官曉隨銅漏入散衙晚逐車輪轡學仙學佛意惆悵施泥帶水思紛繁昨宵夢繞葛仙洞與子坐論山元卿放君出頭君方笑懸崖撒手子豈驚皆夢境可憐肝膽向誰是同被鉛槧耗此生對搔短髮冉冉白羅浮歸約餐黃精

合藥

却病良亦難延齡非不欲頗疑百草根何者莫子毒況無照膽鏡五臟胡由燭幸謝扁鵲毋煩採杞菊

嶺南羣雅

番禺劉彬華藻林輯

謝蘭生

字佩士一字澧浦南海人嘉慶壬戌進士改庶吉士著有常惺惺齋詩集

王壺山房詩話澧浦爲芸隱先生仲子學有淵源少負文名兼工書法既入詞館假歸流連山水揮毫灑翰風致清豪近又與其弟退谷並以繪事稱能翩翩自喜其詩宗法大蘇又出入於杜韓兩家而得其神骨邇來嶺表詩壇固應推爲祭酒

入中宿峽二首

錄一

遠影漾晴江脩眉蠱一雙壁門天劃界雲碓石飛淙深碧入山徑架空臨水牕花宮不得上虛聽暮鐘撞

出峽

峽勢趨江口渾如巨浪平半邊雲岫擁一角夕陽明斷岸漁胥  
起荒洲蟹舍并蜿蜒氣蟠鬱遙接萬人城

彈子磯

雲鵬欲出海一展垂天翅從空墮大羽側立何猛鷺儘力捍奔  
流如奮巨靈臂照影然犀潭紛然五色備維南實朱方鳥章樹  
文幟不爾天際翔九垓去遊戲蚪柯倚壁橫鸕雀亦巢寄蒙茸  
補罅漏嶺絕滴蒼翠謬云羅平妖彈射一丸墜下策以火攻彼  
石干奚事日出宿霧除帆舉風勢利孤翎決將起鼓怒乘噫氣  
回首視萬山誰能仰而企

度庾嶺

雄藩臨楚甸絕塞本秦關地古人留姓衢通國不蠻頰肩于役  
苦掛角老僧閒百匝幽篁裏茅亭憩一間

半嶺分寒燠千夫異語言人將山互市天假石爲門細路雲頭轉危梯日脚翻暮寒風出質聲棖萬松喧

南戒鴻濛剖西江戶牖開遠峯皆貼地羣嶺合尊童事異通牛詐碑傳旅鴈回臯鄉何處是重覓一枝梅

夜過釣臺

遙指山署是釣臺野煙和霧黯難開推窓灑面清風過照眼一星浮水來終古巢由謝簪組當時馮鄧闢高萊龍潛事異鷹揚事莫向熊羆夢裏猜

將出都門留別初頤園先生

大儒守環堵一意能遺榮大臣立朝堂一念不近名或言學圓融溫潤良玉瑩或言厲節操鷺悍眾鳥驚豈知通與介徐邈兩弗營先生起東萊高文冠羣英韜光不自炫與物何曠崢捷徑

迥不由與世何將迎末學氣虛憐桉抑難使平歸師紀消子庶  
得安我生

文章豈無權心力視所到六經逮諸史奮猛追闔奧能成一家  
言終身食其報屈仲良有時何愁打退穰臨岐荷耳提曲意加  
引導敢不承師模專心戒險躁歸舟指潞河通川轉糧漕千倉  
永不涸此境難徑造惟當效山農日日備旱澆秋收謹垣墉亦  
免鼠雀耗

滄州朗吟樓

飛樓縹渺臨清波緣雲不動高崖峩江亭左右瓦回抱暎徹白  
日驚蛟體樓頭端正玉像設樓外恍第雲輶過朱書青紙孰傳  
送黃庭丹篆聞吟哦一聲飛出海水立聯翩咳唾珠玉多魚龍  
出舞鸞鶴嘯日月眩轉風雲和何人下界譜音節字句暗記無

差訛此邦舊治滄海濶桑田一變茂黍禾初聞洪濤激韁轔  
真下戲屢舞僂毗連黃帝洞庭野釣天雅奏賡載歌雲時飛過  
曲未闋三回醉起顏猶酡誰云黃鶴假羽翼劣比駿馬注澗坡  
我行十日阻水驛一念時或逾新羅邯鄲道上却鞍馬恨乏好  
夢遊南柯仙觀凌空傍槐影天書大刻留庭阿小儒綺語曷  
敢道

至論歷刼永不磨刺船去市東老釀猛借臂力驅詩魔

肺中十首

濱水爲巨防其勢利用肺鄭國手鑿涇史起亦灌鄰宣閑有常  
期率本稻人法今茲會通河北流地勢陘梗稻挽東南才趙類  
上峽雨足活活流駛利過苕霅如其嗟旱嘆架板高截業一夫  
當關門千夫口呀呷防川甚防民編排嚴令甲大船未放行小  
船心胆怯請看前舳艤何殊陣壘壓

順風不張帆路糲帆不飽溯流牽百丈乃用車盤絞眾呼邪許聲助我悉壯佼顧後愁狠胡突前輸鬼狡昨者糾糧艘彼艱忽中撓市袴倍其償猶不免煎炒舟人盡跼縮如避猛虎敵舍車罔安恬轉受徒旅攬勞逸俱付天何容施智巧

終宵雨鳴渠濁流匯諸派沸怒爭一門數板逼險隘欣然起捩柁汨汨喜長邁及其赴閘口淤淺仍不快前船勢鵬鷺我船嗟鵠退上流謹關防下流不嚴戒潰決歸尾閭一氣走澎湃坐視覆均堂聊可容一芥

閩名二十四諸寶中舒鶴葦密如織魚鮆多於鱠鱠者有蝦米甘水族何蕃滋陂堰能渟涵長養鯷鰈命鮮受刀几戡人稀物自夥曷患饑者婪遐思上古民飲茹樂且湛

自過臨清關市集喧闐東阿古井水鍊膠如鍊丹延陵墓上  
草采服能訂頑染濁斷碑石亦已刀箭瘢炎風吹濕涼欲墮貼  
跕蕕銀刀切爪果聊解吾渴煩

汶水從東來兩龍走南北天井隆然高勢若建瓴輒到頭終入  
海其始乃中沂當時宋大本高議集羣策匪惟審泉源實已據  
地脊憑高揣脈絡兩流分順逆其餘九十泉一一肌理肇蜀山  
離堆鑿汙道褒斜闢均能事灌浸亦得省漂溺不遺河渠書疇  
能供水職

徂徠有高逸賀李名酒狂昨經古任城未遑醉一觴今朝入徐  
沛風起雲飛揚泗亭亦何有古渡空茫茫兩鎮皆雄繁百貨殊  
豐穰地氣日以南奢麗同吳闔心隨北來鴻鼓翅趨衡陽

斷港連柳湖清波浸雲廈殘虹收雨脚斜日射天罅一畦一煙

村一水一草壩鴨埠蛙亂鳴漁舠客容借白板時半開紅頰見來乍浩歌下中流盡日不遑舍

黃淮雨澑汗水漲三日霖奔騰趨三門清閘中寄鑾及關盡登岸以索繫石堪把柁均準直妙喻如穿鍼欲前退者進將下浮乃沉人言天妃險未遠清江深一日涉重阻船力恐不任所賴賢長年寸步持小心高高禹王臺明德冠古今下有陳潘祠華棟明河陰蘄齊稽高氏廟享同居歆四公翊仁廟負薪輸蓋忱宣房慶清寧鉅野無溢滛東南一保障石楗猶可尋豈惟利舟楫永使來者欽

行行下板牖廢牖如廢營身經滄海來絕潢真一泓回首入牖初一牖兩日程候其卸板楯前瞻高閭闕天下多坦途我何墮塗阮從空雷雨作平地溝澗盈牖門盡豁聞所向無堅城震撼

獲寧澹稍適吾性情濡遲乃特達母乃吾功名一笑下淮陽榜人又鳴鉦

遊惠山

青山暫面來每苦搖櫓疾暫時洗塵眼無料充詩筆九龍落吾手作意停半日清溪試沿洄朱檻見鬢拂花宮臨上頸未到意已悉天光漾空明雨點半蕭瑟滑磴披煙蘿靜境造瑤室泉香泛一甌淺汲幸已繡登高望蜿蜒到尾脊猶屈蓄雲註潛竇未放大波出似欲門中冷力戰爭第一仰懷唐處士舊會良足述紀時亦仲秋幽意謝丹綏鬢蘇興不淺參寥語尤逸韻隨笙鶴飄人悵風雨失或云寄暢園結構稱疎密扣扉老嫗屢入幽半途窒陂陀蹲羣獮叢薄唳孤鶴綠草爲瞿瑜文窓落屈戌池荒白練氣石裂蒼玉質亦知真斌媚原不事冠櫛所惜朱橋傾高

興阻水畢誰呼張南垣老手重剪拂

輓陳雲門同年四首

錄一

同門作詩人獨有吾與汝可憐百十篇一付楚人炬後來自懊悔向予乞殘楮余舊載君唱和詩稿數十首我箇飽蟬魚十字不存五春花開更落變滅隨風雨從來慧業人大半懨綺語飯依在空門何心問藏弄入耳杜鵑聲七字血濡縷此調不忍彈一彈一酸楚

蝴蝶

君有清明句云半枕深乾  
夢十年腸斷杜鵑聲

樵舍

臨江漁戶樵舍名蕭蕭葦岸漁舟橫昔年逆濠敗於此漁人喚渡來相迎烏江失勢陷大澤破楚勇略推韓彭豈知書生諳軍旅陽明老子富甲兵江山險要在指掌布算割若螺紋清初聞犯順發露布疾從吉贛趨豐城賊巢一撾賊膽落賊艦不敢窺

南京隱留此境作逋藪張我天綱與地絃風馳霆擊出不意遂  
剗突豕牽長鯨公言外賊平匪易心之內賊尤難平又言小兒  
不識虎驅虎如牛莫敢攬一生養氣屹不動乃得措置如夙成  
不然獻俘且待罪安保宴坐留餘生內監飛文肆羅織北軍索  
餉交喧爭成功不易居功苦皇天有意哀忠誠九華山下避謠  
詠恬然養道百不營紀功碑成謗談息碩膚之績比東征

夜渡鄱陽湖

旗尾一擲馳風輪開頭浩浩天無垠當中挂席東北向直前問  
道雲漠津瘦蛟雙鬥雹迸亂餓鴟狂叫雷殷轔大孤小孤眇何  
許彭郎康郎避遠巡眼花眩轉風掠耳咫尺不辨晝與昏須臾  
金鯨一掉尾紫水變黑愁齧淪天光水色久摩盪一珠捧出定  
我魂水夷擊鼓競出舞江斐斜睇仍含嚙廬峯側面立積鐵石

梁倒影鎔作銀中宵一放幾百里其上定有分風人昔乘大舸泛蠣鏡時逢皓魄臨海門茫茫夷島現窮髮隱隱仙樂來軒轅神山一會久絕響水調重按高入雲龍堂貝闕豈知夜圓靈水鏡恒留春空中五老亦招手與我前後迎送頻吾帆餘勇尚可賈一氣追及騎鶴賓

石鐘山

大山歷東流萬峯攢一箇崩騰塞其衝不許陽侯過神工費爐鞴鎔液未補破有罅嵌玲瓏錯若經剝剗餘流折而西入坎蟻旋磨鼓怒爭喧逐節節受柳挫鏘然天樂鳴何止鐘磬和持斧扣磬磬盡測理則那往讀髯蘇文豁然披枷槧便欲乘長風一上大石坐川長路漸暝湍急船苦大觀望不得前勇銳倏變懷方知受束縛大半緣憾軒宵深寒雨來欲臥未肯臥火急譖遺

聲聊以警我情

與同舟諸子登天門山

下士守環堵誰曾升天與天語夢中作遊仙意揣不離捫籥簪  
襡笏直上凌蒼蒼倏忽舉袖排雲間憑高一覽心眼豁安恤斷  
渡山風狂客言行路難莫如上峽兼上灘又言長江險莫如江  
而東厔陳往年此地避風濤上灘上峽無此勞誰能剗去兩石  
壁利我舟楫無驚號吾聞江水出岷山一往到海不復還若非  
層層門戶作關鎖險過夔巫三峽間君不見金焦角立牛首雙  
停虎牙屹峩荆門竦未放此水歸東溟又不見黃河亦是天上  
水直者千里曲百里龍門砥柱浪花堆處處蠶起平地雷但使  
水氣升雲雨天下豈惜崎嶇九折爭喧虺

夜過黃茅峽宿峽口不寐

千篙拄灘行十柱不失一人頑詎如石悍鬥乃竟日船迴沙嘴  
平水轉峽角出黑暗支祁潭深阻老蛟窟餘力且枝撐觸險肆  
奔突能能望赤虬謂野燒遠映路未失誰敢然溫犀照耀到水骨  
荒洲暫停橈風大水滴沕蹲夷擁狐裘寒減心更慄嗟哉操舟  
人爾勞我弗逸爾勞暫安眠我勞何時畢

除夜上白茅龍

懸舟如懸車昏黑人重阻與牋偕出入船底欲掀舞千鈞倘失  
勢勁箭脫強弩狹跟遙捷疾石角不離蔽歡呼就安恬下流聞  
如鼓誰云不知春驚雷在沙渚

朱仙鎮岳忠武王廟

燕雲唾手爭呼吸迴戈中路三何及背嵬五百死向前金牌十  
二催轉急雨宮不念况赤子長城一槩逮諸邑河聲洶洶怒如

雷併作千人萬人泣客行曉過蕩陰里殘星三五猶閃爍已悲  
嵇紹血濺衣當時播越無收拾惠雖愚下猶識忠高乃中興忍  
東濕前途一廟臨廣衢相傍壽亭侯廟立兩公大義炳春秋軍  
麾所指羣靈集漢家繪塑極莊嚴宋代垣牆少完葺柏柏不屈  
蟠金虬虎貔擁衛持瓊級衝冠裂眦欲搏戰母乃夜夜精靈入  
門前長跪三鐵人牝雞鵬兒并宰執千鎗不破萬鎧破鎧破從  
新鎔鐵汁皆云此禍冤更冤忍見蒼苔濕還濕吁嗟六陵殘毀  
已多年宅圯井荒鉛斷汲路人還此望旌旗北風雨雪長嗚咽

過黃河後避風仍用東江阻風韻

兩輪陷淖掀將起飛沙一刮風刃駛黃雲萬丈高出地四鄰將  
伯呼不至雙睛竟曠體毛蝟僕牽我手奮力繫馬壓重轍龜頭  
膚不爾滾滾銅丸墜今晨一鼓初作氣中流返棹如湯沸升車

再作旋渙戲堦環揚塵胡不已沿河路向昏霾試王良曷敢誇能事

望岱

齊州崛起東大陵崇卑有秩相輔承客程五日車輶轆坡陀越過轆砢砢褰衣推馬奮力乘不知離地幾萬層盤盤絕頂雲氣蒸天門談蕩橫觚稜蒼精結就非游臘翠翼怒展搏大鵬直歷太華嵩衡恒奄有青齊魯邾勝徂徠鳬繹猶紀鄫梁父社首真侔丞剛方嚴毅神所憑柴而望秩妙合凝史稱有虞祀肇興肸蠁因此名山升其餘封禪均無徵碑旣沒字書纖縗胡然唐宋踵相仍磨崖藏碣求福祐大哉土壤高可增美哉雲雨時上騰祠官薦馨神答膺靈祇兆瑞年豐登盛時報侑惟蠲蒸豈假符命驚愚嘗巖巖在望心戒兢了了白晝天宇激安期羨門若

可朋攜糧負薪吾亦能眼底突兀冒峻嶒安得健翮如蒼鷹

冷泉亭

天外孤峯飛著地空中諸寶不曾關漱將靈液爲鳴玉流到紅  
亭未出山倚櫈堅陪諸佛坐斷雲時帶一仰還元津幽樾何須  
問八德真源在此間

龍井

綠陰作障花滿叢一泓流水聲淙淙山僧煮茶持飲我不待啜  
罷生清風此山萬竅皆玲瓏含雲貯水隨奔龍動搖筋脈土石  
破一眼噴出泉一鍾何人鑿石接龍口爪牙完具雕鐫工涓涓  
一滴滲文甃疏井技與涇井同君不見飛來峯口駿石扇洞中  
四闢如房櫳吳山眾壑亦竚竚一線石罅雲氣通但能飲水識  
真味山山都與泉源逢我來滿啜兼洗眼更探前頭天目峯

龍井啜茶後登寺樓

仙人好樓居仙山定何如峩峩五雲樓半枕山之隅其下何所有脩篁萬竿松百株其外何所見三面青山一面湖龍泓滴滴冷泉冷鶴聲一一孤山孤初疑八月濤浮來此方壺又疑許遠遊前此來結廬僧言兩度翠華臨中設寶座陳詩書九

天揮動白玉瑣萬象收入摩尼珠金門羽客備灑掃虛敷若士爭來趨丹梯一上十二級不知神山以外有此無小臣亦忝香案吏一介本是山澤癯今年一夢之帝所丹鳳樓前拜舞餘承恩赴宴登瀛海半日談經坐石渠摩挲雙目心爛爛追尋昨夢魂蘧蘧茶香有味沁肌骨松濤捲起酣笙竽船風吹到帆引却下山長詠歸來乎

偶成壬戌十二月十五夜

檄手緣雲上太清雲然拂袂下層城空中樓閣仙山色耳後風  
濤海水聲古簡未窺周內史青衫仍繫魯諸生金丹有訣重關  
龜九轉何時鍊得成

洞天福地此乾坤欲徃從之孰得門藥肆幾回求橘井釣磯隨  
處問桃源直追懷葛寧無俗難得朱陳共一村客位水軒容假  
寐暫時清夢息塵喧

梅花

東皇愛爾孤高韻不許凡花浪得從出世相君原是鐵藏身老  
子果猶龍淋漓畫障生殘月靜默詩心答古松苦恨南中無艷  
雪倩誰相對門清容

濃雪何因聚樹頭層層竹院暗香浮橫空照向一泓水託意高  
於百尺樓詩老篋中珠貫串山人屋角玉雕鎖羅浮等此江天

月徹夜瓊臺爛不收

十八日往石塘東園賞荔疊韻再賦七首

錄二

珊瑚短短浸瑤濱幻作龍堂五月春赤水探來都是寶靈蛇握者定何人豪吞金谷三升酒醉寫東坡百億身日午蟬鳴詩半就又驚飛雨洗遊塵

搖漾清波柳港濱論園接果闋冬春沿堤龍戶耕雲客鼓掉鷺潭競渡人百鍊成丹方結果一生無譽且安身本曲江  
荔支賦飽餐更飲梅花蠶縱不神仙也絕塵

輓馮魚山前輩

閨苑仙人風倒吹重遊五岳去如馳曹司暫引星辰上廬墓長銜石闕悲海有夜珠歸大集天留一席作經師含哀忍踏龍門路萎絕虬松未老枝

成方山爲嶺南草木圖十得八九矣題長句其上欲使  
補所未備也

一嶺橫絕如長堤北枝亢爽南枝低回根便已殊町畦百昌出  
土那得齊下循茅嶺沿曹溪二禹仙管吹清淒林迴石轉百鳥  
啼其下千里爲塗泥赤日可耕雲可犁燒天大木凌虹霓延年  
小草稠蒿藜食單檠籠厭取攜仙名佛號爭品題波羅貝多來  
自西雜植訶梨勒菩提亦有手執九節莢青精飯熟升天梯妙  
香法供自遠齋旃檀婆律饒諸黎不數玉薤兼金瘡而况凡卉  
糠與粞小儒株守不出閨目所未覩云無稽豈知仙佛俱南棲  
衆香國裏斐以縷踏慣不異桃李蹊方山妙筆無端倪紛點黃  
綠丹碧黛陸離文彩騰壁奎吾欲十襲巾以綿所惜上山收樸  
檼未及照水窮溫犀又如相馬顧駛騾不暇再賞牝牡驪擣虛

更向大御批標識不使覩目迷收拾萬品歸赫幌秀色奉奉還  
萋萋補入箋疏誰敢詆騷人託意眇眇兮

納納

納納乾坤着此身了無一事得如人不勞筋骨吾何恃才閑風  
花迹便陳飲水半生安偃鼠圖形千載讓麒麟雕蟲豈是屠龍  
技也費工夫鍊未純

痛次贈劉孟韜

三載麻衣黯自傷更何餘淚哭東牀倏驚出出謹謹事如壞田  
田殷殷牆大杖不逃真剜肉返魂無術矧醫癘此灾十九闕謠  
謠水底含沙刃似霜

勇於從令古云賢李代桃僵劇可憐急難鵠原先折翼重傷鴛  
馬豈勝鞭苟延殘喘窮呼母無可明心死付天倉卒毀巢兼取

子有誰聞此不潸然

猛雨狂飈觸總帷一燈如豆紙錢飛  
迢遙親串爲同伴生怕伶俜要大歸  
娶也幾時知恤緯兒兮他日恐無衣  
硯田舊日同甘苦菜把應爲汝蕨薇

讀孟華墀秋聲詩題後三首

錄一

掀天秋氣入靜者不聞聲豈有風旛動何曾雷柱傾百年嗟日及萬慮逼蟲鳴而况孟東野勞勞過半生

西闢華林寺散賑將竣戲呈同事顏雨亭孝廉葉雲谷

農部

豈有豐穰歲磬磬中澤人却憐終厥畝不得取其陳大吏勤求瘼  
齊糧杜要津盜兵方輯鄭舟粟遞廸秦已礮常平穀兼詢豪右民救焚期勿緩選事力宜均飯許同持鉢醯原恥乞鄰拔毛

能活命勸糴幾焦唇敢謂杯非水居然客指囷成山欣聚米出

礦乍鎔銀佛亦掀眉喜僧還俛首親十方齊種福初地倏生春

脫殼移千斛編期過浹旬舊棚障日暗老手唱籌新

紳士捐販即用商人

所賑棚散以天中午喧先夜向晨形惟覬鵠面冊莫點魚鱗逐逐

貪狼顧源源野鵠馴雞雌曾不伏鳥爪竟長伸單獲頻攘袂雙

拈尙曳輪牽經九子母詭譎五通神縱猛西門豹

武弁西醫胡公監賑最力

難讐東郭魏瘡痍嗟絡繹跋極酸辛苦薩心常軟金剛目漫

瞋拯饑無善策此術匪醫貧但使炊煙續微勝破甑塵盪河殊

愧色香積或前因雨飽秋塍稔風清海島淳自然蓀上理沿戶

聽歎幽

朱翁子

行年五十氣如雲去婦求官蹶得君等是沐猴誇衣錦何堪蹀

風門深文采  
熊滿口能談  
道受詔還鄉竟  
領軍到底溝中同一轍  
幾曾富貴息勞筋

終子雲

獲獸爭陳封  
禪書終軍先  
發後相如入闕氣槩猶題柱  
建節風儀類駕車  
生挺異材天亦祐  
死能橫草恨無餘  
國殤共惜童汪踦  
須信談言異子虛

壽徐東菴六十

終天鳥哺心匪釋  
鼎烹有分未忍食  
而况萊蕪餓塵積  
濁醪獨肯過我嘗  
興酣連醻三五觴  
日壓愁壘澆書囊  
姓名幾個日月久  
意氣誰如山岳厚  
血性足抵松喬壽

題孟亭補梅圖爲楊楚垣明府賦

襄陽一老心冰雪  
驢背天高骨如鐵  
名山到眼不易逢  
幽路尋

花轉愁絕詩中畫手亭中人一樣風流天下聞飛鴻踏雪初無  
迹浣筆爲圖妙入神荒涼臘墨今已矣零落殘魂呼不起力扶  
欄檻種梅花映徹鬚眉在煙水此亭頃刻變瓊宮此花亦合署  
梅龍并將我輩登臨客引上玉真峯頂峯

雨生飲子常惺惺齋醉後畫梅屬子題句

胷中萬朵瓊瑤花薰以麪蘖初萌芽春姿一放留不住吐向紙  
上都槎枒人言此花乃鐵石走筆若箇如龍蛇酒徒爛熳不肯  
受約束恰與孤山處士成一家

謝黃香石餉羅浮卓錫泉

一滴君家泉

黃文裕公號泰泉卽此泉也

靈府日輸灌齒牙漱餘甘發論若

河漢兩腋憑雲螭清風可招喚三宿大石樓皎日觀夜半肝腸  
耀五色不事更濯盥胡然耽水癖品味澑澑判隻手移龍泓遺

我以瓶罐嘗聞治廢田溉深耐旱嘆又聞脩廢井淤去自瀟漫  
羈柄在塵寰百結鬱不散靈泉視金丹入口几骨換恍臨阿耨  
池隱隱覘彼岸禪閣如相逢滿啜一笑粲

雨中與崔鼎來張鼎伯王春沂飲越華池館鼎來貺以  
長句依韻答之

須彌五百納一芥世界大千藏一壺陰晴頃刻又百變池面蒼  
出山雨圖座中佳士何軒渠醉鄉王子張鈞徒劉郎逃酒不肯  
飲僕石翁輩凡節去有如大魚潛深蒲橐哉就似說詩鼎西江一吸狂  
歌呼簷前猛雨助聲勢挾以陣馬風檣俱古樁鬱怒起蟄蝮白  
波激灑跳明珠須臾蒸梨十字餅市得不用春且渝雨聲漸小  
婦鳩喚何異花下提壺盧吁嗟乎人生聚散亦萍點風雨一別  
殊軌途文章有神交有道醉筵端賴薛與蘇他時折柬速今雨

莫因霖潦還踟蹰

白題所畫羅浮上界三峯圖

咫尺不識路雲行人不行穿雲一昂首十二樓五城

題二樵山水

萬峯頂上闢禪關拄杖先愁客到難筆欲鐫天偏縮轉遠山橫  
翠水雲寒

爲賓谷方伯作青芝秋色圖

艷冶天女顏波削尊者相名山蘊雄奇佳處莫名其妙青芝舊遊  
人春心醉湖舫如入桃花源不願理歸榜秋風一滌除真骨露  
丹嶂亦如林下人一味事疎放別來今幾春遊屐復幾繡瓦屋  
成幾間濁醪盈幾盃大筆寫歌詩寄勒崖石上氣與秋山高兀  
傲不相讓問誰能使然南城老宗匠

下筆寫山水本來無定名山水着屋宇何人之所營強名青芝  
山秋色歸簷楹署以西溪圖門外川光橫胡然老漁隱改卜渝  
前盟雖云被花惱未礙釣且耕天地吾篤廬兩美原合井神仙  
下遊戲到處爲蓬瀛何勞作解嘲預使猿鶴驚斯圖定何屬林  
壑隨手成急催種花人補種千瓊英花時湧香海恣意東西行

先生舊有西溪漁隱圖後以溪梅擢倒改卜青芝

### 自題山水

絳樹橫扶疎碧絲紛偃仰樵斧微有聲炊煙時一颺隔岸漁磯  
平迴潭縮寒漲冥觀淨冲襟縱步得幽訪倘非向子平有味契  
父象誰能此結廬煙雲自供養

奚囊綠綺琴隨客入秋林自領無言趣誰聆太古音石門蘿徑  
僻雲壑草堂深賴有商山叟紫芝同詠吟

秋田園爲李子光昭作

一株鐵樹堂名立清秋花實千年不易收但喜商聲金石振那知賓鴈稻梁謀嘉禾書就山爲屋叢桂莊名香濃月滿樓翻笑揮鋤勤種豆烏烏餘恨託秦謳

湘帆圖爲顏子崇衡作

憶昔扁舟涉楚湘芙蓉九面蹙波光江山自古詩人地草樹猶聞帝子香我與目成知窈窕誰能壁立對青蒼君心遠寄千峯頂早晚靈宮謁紫陽

題賓谷先生青芝山下卜鄰圖

高田種梅花低田種離支五月熟珊瑚樹燭海湄梅花十月放雪幙張天維何緣關此境吟賞冬夏宜賈闕蘿岡民此福兼享之我公聽斯言躍躍心魂馳因談舊遊處有峯近莫釐萬花

眩銀海一星橫雲稍寫圖持作券偃息將在茲鴻題快寓目鯫  
生難措詞亦如小蘿峯豈足追青芝公言眾心聲一稟造化爲  
元音鼓橐籥地氣安得歧勾曲與羅浮一脈聯四肢吳江千娉  
婷粵嶠萬玉妃彌天降花雨臭味何差池興來輒獨往輪馬騰  
尻雅花源建德國勝處心自知何曾挾萬樂麻山蓮裳結架臨厔屢  
如以封畛論粵邇吳遠而我聞揮麈談椎牆決藩籬公亦起抱  
琴欲往覓子期昔劉伶羽翔奮六翮荒怪第九疑羣真導之前  
瓊宇何巍巍三山如可繪退谷能一揮

九日偕黃香石僧性真登摩星嶺頂

萬生井底覩圓穹誰歛掉臂騰虛空舉頭欲語天當中手捫青  
壁非夢夢羽衣一振吹罡風紫煙獨駕凌飛鴻四維六幕一氣  
通宇宙安足爲牢籠是時秋老霜華濃金天布令欺祝融高寒

逐步較分寸氣侯填刻爭異同軒軒山腳野火燎閃樹杪斜  
陽紅

是日有數處野燒

山神豈亦厭孤冷鬱攸特借來熏烘僧言毒焰

須撲滅不爾殃及萬蟻蟲楞仰頂上一彈指清涼心地能降龍

傳將此偈落界勝他萬指種金鐘火鞭漸息扶歸筇下見馬

鬣橫蒼松蘇家太尉祠若墓姓名久與山爭雄結廬敢望住一

世躡屐暫至如旋蓬賢哉吾黨江夏公三上羅浮天外峯歸來

不厭追煙蹤安期桂父常相從祠成粵獄衆仙下

近議於羅浮天外三峯建

劉鶴臚南跨鹿超靈宮

劉樸石前輩置酒花埭翠園邀同西山龍淵南山子羽

文園雲谷

兩船載詩客一船載春酒櫓枝搖過江繁船大堤柳沿堤千樹  
花暖氣蒸成霞嫣紅嫩綠互矜寵欲與金谷爭豪奢就中衆芳

誰第一魏家紫姑移入室香熏沉水蘸春波嬌酣天酒宜晴日  
昔年華屋照花光何止金釵十二行繁華過眼風雨疾燕燕鶯  
鶯總蕭瑟隔簾幾隊簇紅裙冶遊有意訪東君豈知檀板瑤笙  
歇空有文窓綺檻存舉杯持勸客看花忙到洛陽陌舉杯持勸  
花來客盡屬劉倫家花曾幾見客如此客欲就眠花醉矣回船  
風繁浪如山一顆金丸墮煙水

嶺南羣雅

番禺劉彬華藻林輯

李黼平

字繡子嘉應人嘉慶乙丑進士由庶吉士改官昭文知縣著有着花菴集

拜楊忠愍公祠

朔風折膠俺答來沿邊士氣如死灰大同宣府晝不開將軍者誰尙徘徊敵人見強丐若馬互市空看汗流赭秦西冀北良驥多歲費金繪策固下貳師卦吉終無功高論當時觀火同狄道歸來報天子銀章曰簡生霜風春雷無聲日赤色大臣顯權必蠹國石顯將同貢禹升董賢不受王嘉劾書牘安知獄吏尊蚺蛇有膽未要吞賦詩漫比廣陵散自送浩氣還乾坤松竹菴西

風雨昏靈旂恍惚招忠魂生不遇時安可論方今朝廷轉圜  
容直諫彼何人斯徒冤還徙雁

送南垣之宣化

斜日居庸疊翠多送君彈劍此經過舌存不上平戎策耳熟仍  
爲出塞歌三衛市聲喧健馬九邊秋色臥明馳壯遊倘憶荆高  
倡宜有雙魚寄俠河

故燕城

雲物蕭條天宇清杖藜來訪故燕城良鄉極目真寥廓上谷當  
年屢戰爭馬骨且求招樂毅烏頭難化遺荆卿下都池館修連  
日說與遊人恨未平

涿州觀官軍赴蜀

涿州城門朝四開兵車辚辚動地來州官鞠躬犒牛酒飽肉勇

決如霆雷道旁小兒莫驚避蜀人日望官軍至國家經營關以  
東汝輩祖父俱從戎百年精銳偶一試色惟汝撕城汝攻行矣  
努力高官職龍尾在辰賊可克

海潮菴

幽菴肅肅對海門天風駕潮趁黃昏穹龜長魚踏崩奔如泣如  
訴多煩寃高居大士悲不言化身八萬四千臂頃刻拔汝三摩  
地宰官土人同此淚欲借圓蒲一宿睡潮歸月明竹橫翠

送張芸堂茂才北還

短後相逢東海頭黃牋雲物眼中收仙心日間蓬山渡鄉夢宵  
隨涿水流擊缶幾人同意氣著書如汝未窮愁前期好在華陽  
館誰及春風並馬遊

南窓書事

憶偕計吏上金門庸作供資僅自存疏政可能如賈誼談經差  
欲附林尊諸公雲日依天近獨客風潮竝海昏永夜南怨成絕  
嘆荒鷄蕭瑟莫重論

曲巷

曲巷羊車碾暗塵下簾鸚鵡語相親十年後約重商略頭白樊  
川恐負人

朱畏齋廣文

光岩

席上賦贈

蛾眉姽婳真傾國待婚十年人不識邯鄲廝養從昔悲甘抱紅  
顏當戶織三邊健兒罷虎樣髀內閒生志猶壯若爲異道從大  
軍射獵還應是飛將私書著作不可期用爲籠官又非宜如舟  
學舍題容膝恰稱先生中隱時檐前脩脩鵠踏竹門外丁丁鳥  
啄木殘書壓架三百軸無事可倚匡牀讀高車新雨時復來不

惜生芻博金玉鄙人客幽冀漂泊滄海濱黃庭清水間覩而風期親倒衣相過鵝鴨熟已是不作周旋人桃李春風開發夜素雪榮簾燭光射清歌嘹遼穿洞簫豪興盤旋杖斟蕉自云挾策登巒坡太液雨後生滄波詩成跪進天一笑殿前滿酌金叵羅往事悠悠重回首馮唐老少我何有懸鼓空存尙待槌大瓠旣落誰容剖先生醉矣行且眠人世得喪寧非天談經聞有折鹿角博士衣冠當薦賢

河東君小像

青青水楊柳愛藏頭白烏西風一夜烏畢逋煙條露葉苦將離北里佳人絕代姝憐才無端嫁相如膚如委髮髮委膚絳雲偕居樂有餘滄桑中歷同麻姑願逐鳴夷浮五湖風波拍天渺愁予爲郎畢命存其孤吁嗟高義過尙書尙書昔遭陽九窮骨肉

之戰如湘東渡江一馬不作龍尙書爾時負而翁紅豆莊前草  
蕭瑟生納傳此雲月質世間若道車油壁何以同心固松柏

宋芷灣吉士湖自惠州至

終童始爲棄繻生壯志乃能請長纓魯連慷慨天下士玉貌豈  
肯安圍城丈夫要當爲世福不在虎頭飛食肉一夫向隅聞者  
悲何況千家萬家哭翰林丈人居惠州載酒日與諸生遊江山  
清空伏莽易先識耿耿生深憂後者尉佗前任攤千年霸氣恐  
未銷惜哉曲突薪不徙坐看額爛兼頭焦博羅縣前搥大鼓一  
夕驚傳走豺虎相公行營天上来偃甲鞘戈戒安堵營門晨開  
四吹角抵掌來談黃石略建瓴背水勢已成便可如風掃秋籜  
吾謀不用非無人琴劍飄然來海濱却看妻子寄虎口未免黯  
淡傷其神潮州城南秋色新樓臺倒影波淵淪公如凭欄寫秋

水何許湧洞多風塵

樅陽口守風作歌

馬當山前風快哉輕帆飽掛窮雙桅雷池一步頃刻過樹石反走山西廻盤渦轂轉浪倒涌舟人絕叫顏如灰襟艤蓋舳迭搖兀趁勢一瀉趨溟洄樅陽小港暫維繫尙聽歎飲聲相應攤錢三老竊言語且住未可將頭開昨升柁樓見箕舌簸揚糠粃迷煙埃四天雲垂九日晦水怪百種將爲災同舟聞之色沮喪性命立待幽都催東船西舫更無賴夢涉大水歌瓊瑰我時躍起聲如雷君等錄錄非奇材雕弓脫彌箭拔取爲公一發銀山頽興酣却蹋琉璃堆隻手鎖獻支祁來湘妃汎人出婉變許送明月光珠胎仰天大笑仍呼酒何似當年射蛟手詰朝穩下牛渚磯管取龍鼈不能吼

鉅鹿

訪舊沿河朔來過鉅鹿城晚雲垂野闊殘照入林明此地秦輸  
粟諸侯楚縱兵回頭書劍學吾欲悔生平

鄆鄆題壁

誰使長平萬衆傾父書徒讀易談兵將軍遺矢無人用一種西  
河望泣情

夢中將相事難憑醒後神仙更杳冥何似玉皇香案吏本來無  
夢亦無醒

董家堤曉望

河聲籠樹曉微茫隔岸孤城見大梁九曲西來迴華岳三川東  
下扼黎陽沙留竹落驚新漲秋入蘆花報早霜安用書生頻上  
策瓠歌前歲塞宣房

寒夜武昌客舍醉歌

沔陽渡頭北風惡十日刁調打江郭遠岸聲喧僵石牛高樓影  
拆翻金雀肌膚生鱗驚血凍坐擁重衾不成夢歲晚難呼五木  
嬉宵長正要千杯送座間陳生慘不懂擊缶起歌行路難瀟湘  
江洲浩極目七澤蛟螭競人內橫波伐鼓河伯笑暮雨拋戈兒  
雄哭蔡昭身解漢濱珮卞和血裏荆山玉修門窈窕誰見招自  
古江陵折車軸世途駢綿皆九疑側足四望空嗟咨騷鸞剩欲  
遊懸圃旁鬚恩言傳玉女已分絳闕作樓居先借銀河濯塵土  
勾陳無言列缺怒竊恐常陪伏妃處幽憤臨風私自憐精誠貫  
日知何補吾家青蓮真謫仙江漢遨遊詩百篇功名富貴如雲  
煙且可飲中求聖賢同雲萬里初雪天飛瓊屑玉堆人前長江  
立使變美酒甘脆共汝飛觥船

浮湘

生當折筆笞九邊封狼居胥勒燕然歸來論功畫高閣通衢甲  
第連雲煙不爾校書羣玉府手採猗那付鞚鼓太乙壇前執戟  
從奉高宮裏簪毫舞周南留滯古所傷我今一病浮三湘丹楓  
蕭蕭天雨霜掛席欲進煙波長岸草敵寒色諸花延故香欲攀  
芙蓉照渌水佳期一夕風吹涼沈吟此時余未發滿酌流霞佇  
明月黃陵古廟冷雁飛白沙舊戍哀猿歇山靜江空珠斗斜簫  
詔九奏迎重華五龍騰衝翊芝蓋二女降渚迴雲車鳳皇銜書  
來下界小臣感泣先驚拜正直詎能出鬼通疎頑只恐江神怪  
途窮日暮無所之帝遣丁寧慰行邇滄波無日無歸舟絕代蘭  
芬誰許儕楚國聲名重屈宋漢廷早晚徵嚴鄒如今桂嶺人南  
去終古湘江水北流

畫鷹

高堂畫鷹十餘種側腦縱筋各神勇雲鵬倒地愁血濡月兔  
天怯身竦一鷹稜稜代都赤一鷹矯矯荆窠白一鷹海東青作  
色伏樹未展摩天翮眞骨翻從粉本看雄姿欲向風塵惜徐州  
刺史生天西入關反覆遭人擠幕前不受半豬食城下轉畏連  
鶴戀鮮卑氏種俄相見國士相看荷深眷得脂仇綏依伯勞啄  
蒲蕭瑟傷飛燕飽飪飢著俱無補眼底英雄又黃土此圖埽成  
非漫與意寫鷹揚奉明主捧日終須賢爪牙決雲始是奇毛羽  
小苑長楊秋獵來霜仗喧繁同此材漢皇鳬軒選猛鷙汝盍變  
化休徘徊妖狐九頭聚窟穴衝飈一擊嶠潼闕

雲繡夫子署齋錄樹花歌

河平治爐妖所蠱夜半隆隆劈雷斧工師駭汗走相看電轉星

飛入泥土精悍未銷難久藏怒迸木介兼金剛燭龍垂胡舍  
化火鳳反翅森翔可憐五嶺生眞成九州錯柯葉雖自奇芬  
芳向誰託海枯天闊幾榮落未解隨人鬪茅鄂不知使君有意  
無暇醉卯酒催丁荷千呼萬喚出一株但覺斌媚忘豪粗得非  
石家奮如意觸手碎點青珊瑚優曇色相須臾現六十年開此  
其變若云廣府今始逢乃在邕州昔嘗見見先生集中思院驛詩陶鑄頑  
邀造物恩艱貞倍荷高人眷世間浮華過眼空瓊枝玉樹且翻  
風凜然生氣擢翹秀汝信彪外由渺中吁嗟乎鯀生筋骨與汝  
同春心欲吐梅花紅

送巢松歸應江南布政司試

尊公胸有武庫兵繙衣跨海屠長鯨彼紛如煙我如鏡出奇端  
掃徐盧清佳兒膝上掌牋記賦詩草檄皆知名檄如巴蜀喻賊

殺詩似江漢思寧平征南一集有九郡筆墨妙與經綸并射堂  
文讌盛賓客通家意氣尤相傾驪牛黃馬接雄辨時月小隔神  
迴榮今晨酌酒送君別歸路苦溯湟溪征鬱孤開眼望鄉國柂  
榔肯係南遊情徐揚去年秋水至魚頭人戴私憂驚淮奔河躡  
更嚙運洪流要向雲梯行勝朝陳潘世詎少天以禹貢徵書生  
江南秋風吹石城短轍高屐趨羣英好推經術救根本莫賦江  
海誇從衡萬言忠貞皆切中長離北渡天風送明年知汝對白  
麟還爲葭蘆洗哀慟

嶺南羣雅

番禺劉彬華藻林輯

莫元伯

字台可號耀山高要人乾隆己亥舉人官番禺訓導著有  
栢香齋詩鈔

王壺山房詩話題臘山胸無畔彴和易近人往余在端溪舉  
比鄰接樂與偕遊負笈其門者歲宵百餘人今來同鐸吾  
邑猶日談經並轡廉俸所入營甘旨以奉尤旬老母  
徐悉以周貧交人品已高詩亦質而不虛淡而彌永

將客春州菊社諸友爲予餞別卽席賦謝

塵鞅歸從萬里遊風帆今又指春州家貧菽水思毛義年少功  
名愧馬周野驛江程新客路紅亭綠酒舊朋儕身無兄弟勞關  
慮二老皤皤雪滿頭

雜詩

野人美芹莖鷄鳥甘腐鼠萬里嫁漢妃一言立齊女東家豈不  
賢不受愚夫許物情有殊嗜安能一爾汝君子重立身達人識  
審處珉玉自貴賤好惡隨寒暑勗哉先民言行身踐規矩  
車驅慟途窮馬行愁日暮洛陽美少年痛哭論時務功名期及  
時懼爲蹉跎誤不見老馮唐白首傷不遇惜哉謫長沙空傳弔  
屈賦翻思渭濱叟八十移殷祚速進誠無階疇能測其故

斥鴉笑大鵬疾驥強跋鼈賢者不可測誰從識少節丈夫志四  
方執手易離別榮名豈爲寶致君每佈說庶期升斗糈差免俯  
仰缺府辟難重尋先幾返車轍卓哉尹和靖千古景明哲

舟中作

登高望遠賦將歸急雨寒雲願轉蓬舟避石稜沖浪出沙隨風  
力渡江飛溪邊多種懷人樹身上密縫遊子衣不有同心頻載

酒謂劉世裕范昌黎誰排愁悶語依依

端江舟中

江平風靜午晴時入眼鄉圓喜自知未覺一年爲客久翻嫌十  
日到家遲半空樓閣城邊樹兩地雲山篋裏詩想見白頭頻悵  
望尙疑遊子滯天涯

咏史小詩十三首

錄五

苦調揮琴瑟詩成白馬篇弟難悲煮豆兄自夢磨錢  
草木皆兵氣神功破賊還尋陽傳檄日何不禱中山  
東宮夜饗士合殿計蹉跎禡果關凶宅江徐又若何  
不救衆生苦金甌缺可傷六時爭禮佛憐爾建平王  
艷製龍舟曲貪看長樂花豈知王樂部流涕聽琵琶

石灣月夜

夜半水氣寒流光射篷背推篷一仰視月色淨如灑天遠羣嶂  
出碧極雲不礙山明塔影瘦灘急水光碎人家隔沙渚白到竹  
林內荒雞一聲來寒燈靜相對

泊中宿峽

孤舟維落日高峽鬱嵯峨遠海潮難到離家夢漸多山昏寒欲  
雨灘急夜生波帝子叢祠近猿聲出薜蘿

維揚與同舟諸公話別

時葉經門區晦亭由長江予與  
梁星垣林文園宋匏亭由內河

劍積風塵尙作芒悲歌同對鬢毛蒼扁舟潞水猶前日尊酒蕪  
城又夕陽月色一帆分鐵甃濤頭千尺度錢塘馬蹄先後梅關  
道記取離杯在異鄉

龍游道中

看山隨棹遠幾日到龍游嵐氣結爲霧灘聲寒入秋綠楊津吏

鼓落日榜人謳忽聽鄉音近殷勤問隔舟

龍華寺夕坐

水檻風涼散酒顏一林黃葉夕陽間客身似鳥方投樹秋夢如雲半在山松徑多年來鶴少石橋何處遠僧還貪看江色連天起竟夕禪扉不上關

登仙掌絕頂

詰曲攀蘿上天風時一遭石奇爭作筍松小亦成濤野水四圍合危岑孤寺牢舉頭見雙鶴縹渺入雲高

新築小園三首

錄二

身世苦形役一勤百不荒藐茲灌溉地卒歲同皇皇春來種瓜蔬秋至築禾場時復率婦子拮据不敢康老母扶杖來指揮高樹旁人生無長少艱苦須備嘗

四野旣平曠千峯亦嶽崎巡階一遙睇歷歷羅致之平生素心  
人聞此閒來窺携手坐花前爲我賦新詩村原接烟樹池水生  
風漪寫此活潑懷歡言杯酒持

上粵秀山用壁間曾方伯韻

岡頭羣木落眼底萬家開海氣寒將雨山風怒欲雷城餘漢時  
蹟世幾陸生才俯仰空搔首酣歌上此臺

登白雲山摩星嶺

羣山東北來環峙如列屏屹然萬馬立昂首驕不行平野忽湧  
出孤標何崢嶸軒軒龍虎盤簇簇雲霞蒸峯巒互向背林壑殊  
陰晴蒲澗與菊湖事往存其名我來及秋暮木落山逾清策杖  
披雲根跋足捫天星呼吸若可到俯視庭冥冥罌風爲吹開四  
野天垂青積水趨二門飛塔低三城環抱盡都婁到眼如掌平

登此險絕塲慨然念平生三子促我歸謂黃生棠  
暨兩兒子

一笑若烟橫

嶺南羣雅

番禺劉彬華藻林輯

陸樹英

字恒芳一字春圃高要人乾隆庚子舉人官鹽城知縣著有醉霞山房詩鈔及塞嚶集

鹽城以水災星更議行戍伊犁所過天山瀚海白草黃沙有所感觸悉以韻語寫之有秋笳曉角聲未幾賜環年僅強仕酒酣浩歌意氣尤不可遏其詩以塞嚶集爲尤傑莫  
雁山題其後云敷苦斷多才漸老始知霜雪亦  
此溫柔敦厚之言而春圃出塞以後詩之所以工亦于此見矣

棧道雜題

詰曲路多迷亂峯高復低日遲當頂出雲早與身齊換擔人分  
嶺喧春水隔溪暝猿不畏客時繞樹邊啼

入巫峽

不知巫峽險陡覺得奇觀山在雲邊出天從井底看萬箇爭隙  
地一髮引危灘當日陽臺客夢魂何處安

鹽城水災紀事

洪流一過萬家驚驚地波濤怒不平大吏傳聞催月報長官出  
視戴星行桑田沒路都成海漁艇飄風半泊城安集未能誰守  
土自慙涼德累蒼生

遠戍伊犁別內

相聚他鄉又別離我西出塞爾東歸多情却是江南柳爭送飛  
花兩地飛

萬里投荒顧影單風塵面目雪心肝勞卿向勸衾裯計那有佳  
人嫁廢官

內子以眷屬不能隨行營置側室

渭南中秋

逐客忘佳節那知有月明關山遮渭樹風露咽秦箏不寐門虛掩無聊酒漫傾團圓萬里影兒女獨縈情

早度青藍嶺

看山侵曉發山近路仍遙嶺斷青藍水雲連安定橋炊烟穿穴出酒幔隔林招誰識騎驢客邊風裂黑貂

過車道嶺

山暝噪飢鳥蒼黃客在途亂峯爲雪有一徑入雲無防險輸猿捷衝寒耐馬瘞人家知尙遠不復問樵夫

高臺道中晚望天山積雪

向晚天山近邊寒倍覺增目懸千仞雪峯上幾條冰畫意浮林表詩肩聳石稜夜來何處宿野店月初升

天山

奇山豈受中原縛走出窮邊始大觀羣峭摩天連不斷層崖積  
雪骨猶寒烏孫赤坂瞻雲拜馬邑龍堆倚劍看恰與逐臣行有  
約朝朝飛翠送征鞍

將至嘉峪關

行行休問路路豈有窮期且醉臨關酒還吟出塞詩夕陽低馬  
首飛雪墜鞭絲怪得途人笑龍鐘不自持

碛西道中

大荒西去景全非白草黃沙入望微馬與水流爭路走人從風  
勢帶山飛日外沙積成山大風移徙無常往往有連人畜飛去者一官濩落途多險萬里  
飄零淚暗揮天縱有涯行未盡悠悠何日稅征駢

宿雪山頂

凌寒出天外玉宇在虛無投宿知何處登高試一呼雞聲殘雪  
斷客夢亂山孤記取今宵景西征絕頂圖

望見伊犁部落

及至烏孫道客愁都已輕風沙天末盡日月雪邊生雁磧開千里  
蜂屯聚九城從來難到處到得險俱平

大風過三臺海子

長風起天末吹客過瀛洲海忽立人面山都搖馬頭半空驚石  
落大地蹴萍浮今日誰推轂飄飄列子遊

度天山再寄伊江同成諸友

自別伊江三十日輪蹄無日不間關故人若問經行處五月披

裘過雪山

華陰道中

落葉滿空林迢迢古道沉雞鳴茅店午馬飲華山陰日迴珠懸  
掌峯寒翠滴襟秋光與行色到此兩蕭森

自洛口沿河至汜水

側身下烟霧山徑逼河泉縹緲辭王屋盤旋出虎牢孤城臨水  
斷峭壁倚天高止宿津亭暮猶驚耳底濤

喜抵家作

罷戍人歸自玉關喧喧喜鵠噪門闈全家忽作重逢慶故里真  
同隔世看屐齒踏穿忘路遠裘弁敝盡耐天寒萬千辛苦從何  
說且對妻孥強笑歡

壬申臘月十九蘇文忠公生日與郭震嵐山長招同陪

輯菴明經瑞元黃魚門布衣鑰陳飭堂紀元黃三山  
東海李春圃元開殷耕野師尹江檻泉芹青葉暉谷

重光梁萬夫廷杰夏式如錫金邱雯軒如陵魏東美

珣饒璞菴瓊諸茂才集白鶴峰祠設祀分賦得七言

律詩四首

天與鬚仙作降辰年年迎歲早梅新花開紫翠雙城曉酒盞羅  
浮萬戶春笠屐神傳香火地祠內有東坡笠履圖角巾影現宰官身吾儕  
此日稱觴會海屋曾添幾刦座

鴻爪三年壇坫留不須蟻穴羨王侯醉鄉自大乾坤小睡墳長  
存富貴休叔黨追隨猶配食章惇睚眦復何讐峯頭一曲南飛  
鶴此老而今在惠州

海山求索望驛鷺冉冉雲旗好駐看四座樂喧鳴鼓角惠州城

角前有蘇井東坡所鑿水滿二大字南有彭山一甌茶熟薦水滿

近蝦蟆稍怪韓爭似此間文字飲挽鬚握手滿堂歡

人生得失且休論大節如公百世尊多少遷臣同酒淚後先詞  
客替招魂謂宋牧仲中丞暨  
畢秋帆制軍等笙鐘酣谷憑靈爽桃李迎風解笑言一瓣心香詩四首豈知儂亦託龍門

望羅浮

胸有四百三十峯烟嵐常繞魂夢中今日不期遂夙願船頭飽  
看青芙蓉一峯如俯一峯仰老人玉女屹相仿更有一峯飛入  
天道是雲母皆惝恍其餘峯與峯爭妍尹邢見影俱悠然迴頭  
隱隱雲際塔側耳泠泠風外泉借問神仙在何處石柱鐵橋不  
可渡桃源洞口梅花村遊人往往迷歸路我欲化蝶蝶無媒我  
欲招鶴鶴不來我欲騎虎虎又啞風雨離合空徘徊

嶺南羣雅

番禺劉彬華藻林輯

顏時普

字穀出一字雨亭南海人乾隆己酉舉人著有觀心集

王壘山房詩話穀出少日美丰儀工琢句今年逾半百詩猶綽有餘妍五言如柳深鵝背新月落馬蹄紅心隨羣雁遠夢與亂山多七言如淡烟楊柳不知岸細雨桃花第幾橋百道澗泉孤井泄半天烟雨一僧寒笠落河流依郭近未圓月影移波來村拗缺倩沉雲補罷當鴻宜濕樹龍池多魚婢渾添趣座近梅兄未覺孤亦性僻耽佳者也○己酉歲余過夏都中與陳雲門張默池同寓張翁房南雪軒賜年製出贊其從子詒兼比部序格絕上春官戲酒題襟爲歡甚洽厥後升沈跡異今昔之感亦因之而生惟穀田墨池猶得時相挹袂墨池爲約房從弟詩楚楚有致畫品得南田石谷子畏諸家之勝山水花卉兼工他日蘋徵南畫徵當首屈一指

鐵塔歌

南漢遷祚今幾年昌華院落如雲烟獨留訶林兩鐵塔穹窿對

峙東西天千層金碧列尊相膠灰七級相糾纏鑄銘字古尚可  
辨陸離璀璨青紋鮮我憶宮人祝萬年祈禱不惜黃金錢胡爲  
鳳紀不少延轉盼無異金盤遷辭漢銅仙尙含淚嗟哉塔影惟  
高懸當時何不銷鑄爲錢鏤而乃燒山烈地忍使赤子嗟顛連  
塔兮塔兮吾願舍利光當圓萬古覽者猶知依佛真徒然

長楊道中同張墨池作

蘆溝橋北二十里長楊店官  
柳沿途有西山廣袤如畫

凌晨走長坂平野瀉繁縟柳色濃淡姿迎風美晴旭林遠樹腳  
齊玲瓏異盤曲枝梢隱西山歷落幾間屋我生嗜吟咏遇景輒  
楷目偶然悟畫意徘徊逐林麓知君善臨池揮灑脫塵俗京邸  
兩歲淹真蹟快展讀雅懷託豪素未使前哲獨歸造粒粟園<sub>墨池</sub>  
園名吟詩倚修竹相期一斗墨贈我千里綠

早過長楊懷張墨池

官柳濃分夏氣清驅車帳觸昔年情  
別人中酒心如昨讀畫論

詩事已更

庚戌曾與墨池在此評論盡意  
墨池歸作長楊野店圖見贈

一派風沙烘野色四

山林木作濤聲羨君高枕羲皇似不遣塵緣逐夢生

將至維揚

舵樓閒倚豁鄉愁如洗晴空夏似秋兩岸垂楊帆一片載將明

月到揚州

自富陽至富春一路皆山奇峰疊出莫可名狀偶拈十  
韻以記之

高峰插天雲細路逐江水路曲峰廻環不知幾千里巔  
岝崿青螺頭岩崿黃鵠觜袤延連蛇腰峭拔削龍耳石形蹲  
青牛草色浮綠蟾飛泉施長紳怪樹簪碧珥駐顏朝日光掃黛餘霞綺  
烟籠蜃樓開月吐蟾宇起我欲陟崔巍屐乏高低齒鎮日費追摹清

風一帆駛

訪林坡先生釣臺故址

壯歲遼東戍歸來一釣翁功名徒止水師友贊高風斷碣蒼烟  
外危磯夕照中桐江有遺蹟寄託古今同

竹醉日移竹

端午未匝旬急雨滌煩熱乘涼此君軒修枝挺高節萬个青扶  
疎下有龍孫列園丁前致詞平安報真訣日惟十有三轉塲易  
萌苗醞釀土膏厚勝于醇醪冽生意茲其蘇發榮功可決形卜  
貓頭擣根免颶口齧木接術從同花移法何別堅定比君子遷  
地仍秀傑他時齊簷牙清颺響玉屑詩酒祛俗氣雅遊憶前哲  
安得文與可寫真特奇絕

嶺南藝雅

番禺劉彬華藻林輯

高士釗

字西山順德人乾隆壬子舉人著有北游草

同蔡青巖崇效寺看花青巖將之官山左卽以錄別

東花寺裏花連天都人遊女車闌闌黃蜂紫蝶不知數紛然亦逐春風顛我來長安及花前十日不出花滿阡一朝聯騎尋花去花如相待故嫣然冉年悟徹拈花禪前身合是掌花仙花下破顏同一笑與花共證三生緣東風花事自年年鴻爪東西路幾千飛花有意能相憶會而何時空復憐

六月十三日夜與金春汀奕罷偶然有作

微雨夜氣清煙際月初上流光入空庭悠然寄心賞相對澹無

言殘棋落清響人定萬籟寂清歌出幽幌獨夜不成眠深竹螢  
朗朗

八月初六日自西便門至澄懷園道中作呈漁溪竹溪  
彥聲

雞鳴出郭門理策事幽騁星光遍野繁茫昧辨馬影石逕積潦  
橫白見光冏冏四野悄無聲曉氣益淒冷萬慮息紛營翛然足  
清景

澄懷園賀坡先生直廬卽日

山清水碧遶朱簷綺檻花欹砌草纖傍午輕陰移小樹新秋涼  
思入疎簾地饒泉石心偏遠人到蓬壘夢亦恬千載却憐江海  
客天香衣上一痕添

富陽卽事

苦雨連三月千山瀉急流天邊雙槳落樹杪一舟浮斜日飢鳥集深宵估客夢江湖正留滯空有稻梁謀

南安道中入峽見山川奇絕前屢經此未之覺也作詩

狀之

停午入峽口異境喜欵遲雨崖爭雄尊各各聳神秀絕壁插青冥奔瀨洩潛竇轡交戛陰寒潭深日光瘦一峰尤峭特兀兀俯羣岫石上走雲雷頃刻彌昏晝飛瀑瀉清寒山骨露剔透延緣幾百轉奇趣迭奔湊我生數經過昔遁今始覩顯晦固有時山靈漫相詬

桂陽道中

自入昌樂瀧陡覺天地窄攢峰青入雲四望絕林隙舟行悵已窮渦漩峽忽坼險怪迭變現往往怖精魄今朝出矮篷竊喜天

宇闢山川雨清曠渺渺涵空碧悠悠哉客子心指點乃大適所歷  
竟何常一昔霄壤隔

嶺南羣雅

番禺劉彬華藻林輯

鍾啟韶

字鳳石新會人乾隆壬子舉人著有讀書樓詩鈔

王壺山房詩話鳳石籍隸固州而家住羊城西畔與張星池顏穀田高西山蔡季材楊榆近接裙屐相邀每多倡和於余則廿年舊雨也詩饒風韻蘊藉宜人句如荻花明夜水蛩語寂秋燈烟橫一鳥平拖去在轉羣山逆走來送笛有風皆過柳到橋無水不生漪然橫怪石迂盤馬風引歸雲緩帶禽半月橋橫深樹底萬家煙碎亂流中嵐氣忽晴還忽雨野吟宜寺復宜橋隔水雲如詩思櫛過船風學酒人顛如夢幻中忘去住最虛無處有神仙五更窓格闌珊雨一匝屏山悵幽風皆集中尤錚錄者

江月

江頭一片月照盡去來程之子虛良夜孤篷尙遠征錢塘潮汐信赤壁古今情莫遣烏啼急霜林風正清

卽目

黃日漏林薄碧波流葉聲悲秋畏殘夢望遠到離情一昔破幕  
刦六時鑿酒兵伊人渺何許烟水隔空明

藥洲懷古

仙湖湖邊花事微甕城城南烏夜飛飛烏忽刷湖光去草樹豐  
茸故宮路官雲漠漠烟濛濛氤氳一氣銀潢通卯金鑠丹丹不  
轉星搖珠殿淪長虹顛筆淋漓勒怪石大字波磔驅神工鈎輶  
啄碎木棉絮榕根櫻岸枝撐空君不見蓋海浮田大於席白龍  
宵奔曉無迹南苑十日飛霹靂降龍是孫乖龍祖行人莫問劉  
郎塢荔子灣頭半風雨

木芙蓉

遠映丹楓坼絳葩紫霜瓊露湛清華香如借雨難爲菊天不閑

秋著此花艷骨倚風欹素壁醉客扶日暎烏紗分明點綴澄江  
練一種詩情付晚霞

題管夫人畫竹

夫人原不習嬾娟貌出幽篁思悄然偕老一竿投未得渭雲南  
望宋山川

望湖亭

吳頭楚尾路漫漫只合周郎擁節看百萬刀流軍駐處鄱陽山  
色至今寒

左蠡

湖西墮纖月寒色半江風京國幾千里水雲行不窮扁舟指吳  
會春思入歸鵠挂席遲明發匡山杳靄中

令肥道中二首錄一

決勝圍棋一局中指塵談笑出元戎而今古戍風聲靜殘月疏星望人公

手車車夫行

前者六十雙鬚絲後者三十健且頑滑泥著腳手欲抵羊腸詰曲汗縹靡仰登峻阪俯下陂要與去馬爭奔馳自言家在東山睡石田壘确久不治少習推挽疎耘耔一飽計得忘險夷家中十指常待炊告爺辛苦爺得知六十老翁三十兒

臨淮

客思滿淮南離心渡淮北招隱爲誰歌蒼然小山色  
步上淮浦橋畏見淮流月猶是故鄉明相思渺天末

次高郵

一放清江棹蒼茫夜氣漫峭帆收甓社孤月上淮安水國千山

霧漁村五月寒却思殘夢醒晨鐸動征鞍

過金山

仄步微茫生晝陰石盤陀聳青楓林浩然直控海門碧秀絕不知江水深空際樓臺疑蜃結夜來風雨定龍吟殘鐘一破孤舟夢北固蒼蒼自古今

讀嶠雅

嶺雲迢遞接湘衡終古離騷此正聲豪倚扁舟乘鄂渚獨攜盃酒謁昭明殘雲海雪傷焦尾故國春風語赤鸚一醉莫愁湖上月江南蕭瑟庾蘭成

妾本良家子

妾本良家子讀書解聲詩少小雅髻綠耶受同嬌兒阿母膝邊戲阿姊牀前嬉灼灼春庭花風雨無猖披家勢忽中落耶與人

世辭辛苦事阿母十指供晨炊一朝遇強暴以妾爲居奇淪身  
教坊籍忍死待母知朝朝淚粧鏡所願逃鞭笞諸姬挽雙髻爲  
妾簪花枝進妾雙絲屢畫妾雙蛾眉蘭堂晤檀槽妾抱中心悲  
擁妾出粧閣弱質誰支持妾實生寒閨不貲親香脂纏頭金百  
萬買妾雙涕洟諸姬妬且憐杯酒還嘲嗤強言謂妾媚不語云  
妾癡堪笑霍家奴兒妾冰玉姿百計謀一盼妾心安得移翩翩  
貴公子聞此肝腸摧爲妾覓阿母母在珠江湄爲人雜作苦一  
命如懸絲參商條數載不得同渴飢公子報消息慰母長相思  
朱提爲母壽板屋爲母治蟬娟百金噴兌使終躋縉團圓漢關  
月迴光照文姬潔潤合浦波復濁爲珠池沉幽一朝起一語不  
及私女跪告阿母報德當在茲兒夙誦書史古義良所師寸心  
拔小草不死如卷施標梅咏南國迨吉將無疑長此奉春暉永

謝行露滋窮陰望白日阿母爲致詞公子重其意明璫以相遺  
同心結錦帶並轡銜金羈春華二三月廣崿和風吹香煙凌博  
山紅酒融玻瓈百鳥爲我鳴游絲裏晴曠報君以玉案拂拭無  
瑕疵將何比君德釐山巒巍巍何以喻妾懷冰絃靜琴徽鶯鶯  
共煙渚頭白以爲期

雜詩

鵠鵠豈不樂志不在天地駕駘甘伏櫪千里讓駢驥閒牋手一  
卷大略識文字騁論高黃虞樓心守衡泌世途稍閱歷動則見  
顛蹟聲華宵小疑高明鬼神忌繕性劑剛柔觀時審趨避履道  
巇險平貞信風濤利幹濟實資才糟粕真須棄乃知紙上談不  
了天下事

獨夜

春草萋如許。春雲黯不高。雨濃添亂夢。貧久得真豪。身世何多感。升沈信有遭。何人知此意。孤影對松醪。

西濛曲

并序

志里中水患也。究源流之故蹟。明開塞之殊時。道俗以文辭繁不殺長言。永歎以備采風。

家住羊城西。解唱西濛曲。此曲效吳趨。請作風詩讀。西濛源自東北來。芝蘭湖外凝深淥。雙井街之西古芝蘭湖。南漢時官苑。遙指劉王舊宮苑。苑外流花橋。漾晴旭。古木蒼蒼金字灣。涓涓流活活西山麓。倒映城隍四山碧。潑上郊原萬重綠。第一通津向南折。西山南爲津。第一津。并玉帶河。控制當關勢全束。幾度闡千略。約橫夾岸人家俯平陸。過客猶傳舊酒櫻。春草芊眠蔭修竹。左繞東濠水。開汎淨抱城根。一圍玉帶河。西濛右達四五里。玉

帶爲肩。柳波兄恰如丁字一畫分東西。西頭直與東頭齊。東濠

故道自依昔。惟有西濠成僻蹊。相傳兩藩定粵再涇塞。廻瀾南

瀆開新谿。新谿逕出珠江口。湧去萬疊青玻璃。上游只臘馬頭。

在昔時疏濬碑端題。早橋遺趾但髡髷。早橋有石數級今在青雲里口西濠舊由此道

紅塵雜沓喧輪蹄。正似餘杭舟行忽頂壩。舍楫登陸河之傀。又

如漁人再入武陵路。空記洞口桃花迷。却疑清濟伏行處。待滿

榮澤流澌澌。行行頗識舊濠跡。千武初窮此濠見。光雅祖斜通

復古。前始有德興橋可辨。迤西南去認河傍雙社古榕微有岸

有社曰中和曰祈年。蓋梁七丈倚危樓。前朝嘉靖年時建。前明嘉靖五年順德梁文康公

儲滑酒臺建達觀橋。梁面七丈有奇上有望海樓。今樓已毀。達觀亦曰大觀。達觀南望河西曲。一帶

炊烟遮不斷。自此平流向西注。水榭灣環影凌亂。港澗牛浮盪

春濃。謂牛乳橋。牆垣花深絢秋練。纖鱗噓絮近紅牕。小燕銜泥

春濃。節義興橋牆垣花深絢秋練。纖鱗噓絮近紅牕。小燕銜泥

過碧淀白版平鋪鴈齒低

永寧橋舊爲三板橋瀉出橋東落紅片

錦里香

風動桂叢

芳蘋泊

蓬萊宮數尋

蓬萊橋在琅桂南

應題司馬名吟詩

好和鷓鴣堰

北擁

蓬萊宮數尋

木月宮前

西紹芙蓉深一錢

橋在芙蓉涌口自此北折而西復南注白鷺潭西濠之總匯也

人橋迤邐此歸淮

德興達觀義與永寧志皆

廟前蓬萊匯源橋凡八直送鷺潭水聲健

大旗落日照江明謙櫓高高成

臺奠

西炮臺右乃潮水入濠處

一從東街馬頭阻地脉

此水孤懸自成段雖

悵東西各異流

猶喜滄桑未全變綠樹引紅潮流

生暮復朝濶

前數行柳

二月東風嬌春夏時行大雨

水沮洳幾曲濠流消勢

如傾瓶急奔瀉

大海作腹濠作腰翻盆一注淨如拭

積潦濺洗

隨風颺不虞亦備燭火戒

水車飛沫漫空澆沿流守望互相助

伏戎遠竄除紛糾

最憶端陽好時節荔灣北望連絳紳

柳波涌口與荔

合流枝湧水

江頭逢逢鼓聲進赤龍銜尾揚錦標浪花一重捲一丈

彩幢一偃過一橋。良宵清碧浸皓月。樓臺照水鳴笙簫。我聞東

濠淮流日芻糧舸艦紓征徭。

東河西濱前明遷糧故道也。

後雖尋源不復得一

方水利通漁樵。

却思髫齡釣遊日。

歲在乾隆四十七年方伯桐城姚

俊徐公分縣田公董其事至乾隆四十六年竣工四十七年立碑識

徐

欲星移。濠口波漂見沙泊。桐城方伯憲慰我大戒彰彰。溫邱徐

侯田侯今召杜子來。

蹠蹠皆繞膝。

乾隆四十五年方伯桐城姚

俊松先生下令清潔南海邑

十六年竣工四十七年立碑識決渠如雨鍤如雲。期月鳩工此濠出。比隣侵占盡傾毀。豪強屏迹兒徒逸。當時豈無謗聲。

作怨勞一身。自倡率導達溝瀆修隄防。

寧爾婦子盈百室。如人

肢體蘇瘠瘦。爲汝衰癃起殘疾。

尙記淘沙以東僅半里。旱橋雖

識全形失觀成。則易圖始難。

衆志參差豈能一。

淘沙越以東至旱橋及第十四

馬頭街道尚未疏暢故不能與東濠合流。

年來人事幾蹉跎。二十餘秋遷轉多瓦

稜。四面疊鱗次。版屋咫尺攢蜂窠。橋東橋西不復辨。水南水北

交相謗。澪者橫汙作沺沺。高者礧砌堆陂陁。觀魚誰更賞濠濮。  
夾澗久已迷軸邇。海壠往往颶風發。三日霖雨看滂沱。六街九  
陌淤不散。平地忽起陽侯波。叢祠以南苦尤甚。謂復古南街衣魚竈  
蛙生薜蘿。君不聞昔來距川決畎澗。遂人職役非煩苛。又不見  
近來城中疏六脈。國人羣頌康合河。嘉慶人年癸亥方伯合河康茂園先生通城中六脈  
渠西郊編氓自洽比。忍令陽雨成偏頗。朱門大戶蔽雲日。窮簷  
蔀屋爲漩渦。少陵胸中貯廣廈。風雨空作勞者歌。或言程工費  
鉅萬脩舉廢墮理則邪。邑居相得乃土著。壅滯畢洩全天和。此  
濠之水不終塞。此曲聽者當如何。

八月十七日病起遣懷時海氛漸息

繕性良於肘。後方支離半減酒。人狂秋江落葉魚龍靜。曉月高  
天鼓角涼。晚稻可能紓歎歲。哀鴻稍喜集蠻鄉。青萍顧影銷紅

蠟夢境愁心孰短長

重浚西濠紀事三首

并序

嘉慶十五年南城曾方伯賓谷先生蒞粵間民疾苦  
知郭西濠渠久淤請諸大府飭屬鳩工剋期疏濬濠  
面限丈六尺自德興至濂源凡八橋悉令高之以通  
舟楫始十一月逮明年五月工竣大雨時行潮汐宣  
洩居民樂之賦此紀事

襜帷暫駐訪閭胥重起荒陂奠厥居海國來旬尊岳牧漢家成  
績著河渠千夫爭荷如雲鋤尺水重甦洞敵魚柳港荔灣徐泛  
碧棠陰交映引簪裾

鴨頭新漲恰春朝宿雨溶溶積潦消丈六濠梁通蟹舍八重煙  
月漾虹橋灣灣綠護南東畝活活紅添子午潮誰倚曲闌干十

二縕豪艷溢繪冰綃

碑蝕殘陽古道邊文康遺事至今傳  
達觀橋上舊有碑紀梁遜文康公辟瀋建橋事  
尋浦澈過三折潮水自柳波涌三折而東至光雅里小閣滄桑近卅年乾隆四十七年濱道新塞迄今垂三十年矣地擬流觴脩禊事人從案堵認炊煙江波千頃詞源接定有虹光賀月船書院之議

時有建文關

嶺南羣雅

番禺劉彬華藻林輯

張炳文

字虎臣號繡山番禺人嘉慶辛酉舉人著有玉燕堂詩鈔

玉壺山房詩話先生生十日而孤事節母以孝每年七十病篤先生禱於神母熟寐寤而疾頓瘳壽至八十餘人謂

孝感之報先生領鄉薦十餘年不上公車以母在不遠遊也喜吟詠其詩抒寫性情不事雕琢而和平可味

十一月二十三日感賦

孤露如子倍可憐生年便是父亡年藜羹子職今猶忝葛帔人情古已然十載青衫承母訓一孫黃口拜兒邊焚香但祝先塋妥敢望牛眠啓後賢

送胡聖田

聚首不知樂分襟方悵然從來離別事多在夕陽天笛裏梅花

落霞邊荔子懸草堂今夜月依舊向人圓

讀外舅耿湘門先生素舫齋題壁詩次韻四首

錄二

結廬人境靜無譁嶺外浮居舫作家閣傍古濠貪近水庭餘隙  
地愛栽花溪光漾暖簾波細蘚跡通幽屐齒斜分得珠江羅綺  
月寒梅清影透窓紗

戶外停車半老蒼謂杭董西池謹先生論文煮酒日方長恣宜話雨添  
疎竹屋爲看雲築短牆波浪不驚鷗夢熟琴書無礙燕泥香燕  
齊吳越清遊遍回首歡場興欲狂

光孝寺菩提樹歌

開梵仙城西北隅善根不滅菩提株櫟森絕勝古榕茂清勁差  
擬喬松癯天風瓊玲青玉臺火日璀璨黃金鋪曹溪滴水自灌  
溉道場五葉猶敷腴我來坐石受普蔭濃陰欲滴沾眉鬚樹乎

樹乎我欲檢汝片片葉架裝偏袒縫衣襦我欲拾汝纍纍子一  
百單八穿念珠不然化爲樹上之棲鳥迦陵仙音聞天衢不然  
化爲樹下之遊鹿法輪浩劫成美殊不然則幻而爲兜羅之手  
梅檀之軀登大願船乘五行車護法雲以繚繞散花雨之沾濡  
樹乎樹乎我忘吾當頭一棒喝野狐菩提無樹本來無鳴呼何  
不云菩提無樹本來無

讀李鄭侯傳

時聞空中香記撥火中芋本自神仙來領取宰相去從來位高  
者多凶亦多懼况處骨肉間家事故千預抑或批龍鱗未必回  
天怒維侯侃侃言每諫君輒悟孝慈克兩全國本賴以固運籌  
能料敵保身免讒如學術遜武侯相業高謝傅生平黃老言意  
或有所寓中和獻農書歡樂共黎庶年年釀宜春應酌鄭侯墓

冬晴

炎州無雪雨偏寒卒歲人多袒褐單乞得天公黃襖子排門喚  
起臥袁安

藥洲懷古

傷秋鬱鬱望遠愁仙城探勝爲清遊古甕城西古蹟留香風氤  
氳花藥洲藥洲之名想風流父老猶能溯其由爲言南漢僞王  
劉鑒五百丈成湖湫流花橋迴翡翠舟波斯女抱鴛鴦禡紅雲  
宴啟轡歌喉紅藥花開簪滿頭昌華苑與蓬萊侔龍虎丹從聲  
色求殿前一挺降王羞滄桑轉眼雲空浮零落九曜石誰收詞  
人學士物色幽摩挲吟詠珍琳瑯突兀竚篠蟠蛟蚪南極離光  
輝斗牛振衣且登拱北樓登樓勿懷仲宣憂騎羊仙客歸丹邱  
至今穀穗盈西疇豐年處處聞歌謳美酒快意浮一甌古來達

者輕王侯

連州九日

年來觸緒易悲涼，况遇佳辰倍感傷。  
千里雲山環獨客，九秋風雨逼重陽。  
讀書老眼花前霧，閱世浮情草上霜。  
且對翠微開笑口，東籬黃菊又含香。

十一月朔日遊北山寺敬步南軒先生致一堂詩韻寄

示維屏維翰

城東多古蹟，一徑非殊途。  
暇日恣遊覽，招邀來郭郛。  
路仄步迤邐，溪遠聞笙竽。  
高人岸一巾，謂巾山衆山俯四隅。  
今日天氣佳，冬暖芳春如。何休鄉君子，何錦齋窮經古之儒。  
導我探幽邃，童冠偕歡娛。  
石出水逾冽，霜淺樹未疎。  
江山亘古在，顯晦閱世殊。  
大塊無容心，喧寂同一區。  
異代有聞人，仰止如可呼。  
淵源地脈貫

挹注天瓢轉以此皆清美不許塵垢汙題字十一碣欲讀嗟函  
胡紫巖南軒諱瞻仰增長吁遠祖赫赫名裔孫碌碌徒兒曹期  
勉力致一敬勿渝

羊跳峽詩呈解秋岳刺史

芙蓉陡向青天插峯夾危灘石如壓前行無路山更奇舟人指  
點羊跳峽懸崖峭壁爭嵌空各抱奇勢無雷同如雲下垂忽倒  
捲如屋俯覆中玲瓏朝嵐夕靄山容變碧蘚青蘿互葱蒨天光  
似展剡溪藤寫出荆關長畫卷蓬蒿老守空悠悠茲行意外成  
勝遊金箱且漫圖五嶽玉杖便欲尋羅浮羣山似馬扁舟迅恨  
不振衣立千仞客行每厭水程遲山好轉嫌風力順看山搔首  
長歎歎問山何不生名區詞人墨客日登眺詩囊畫本供嬉娛  
曷爲擲此荒江際蠻烟瘴霧相遮蔽樵夫牧豎誰汝知寂寂無

聞似淹滯山靈謂客何太愚塵世浮名安所須我生幸不近城  
市蘊真抱朴無瑕瑜君不見邦之諸侯山之主一序闡幽足千

古刺史兒示看山絕佳盤空硬語勒層巖想見山靈色飛舞

嶺南羣雅

番禺劉彬華藻林輯

崔弼

字積臣一字鼎來番禺人嘉慶辛酉舉人著有珍希編詩集

玉壺山房詩話曾賓客先生贈澧浦太史既鼎來詩有句云天南萬里越王臺舊雨不來今雨來燕痕清香一樽酒眼中復得謝與崔是時賓谷先生甫落粵澧浦之外惟鼎來先被容接而鼎來之詩久爲澧浦所推許家甚貧而日倒事著述有波羅外紀已梓行其詩才氣縱橫足使時賢傾

題觀海圖壽徐東菴

男兒志氣如洪濤澆雲沃日掀天高伸縮萬壑納衆流滌蕩塵穢曾不留纖毫動則撼搖山嶽磅礴百尺騰金鏡靜則虹收雨止平鋪冰鏡澄眉毛乃有徐市之末孫千人渡海駢連艘生小

胸次文武韜早拔趙幘花藥洲凌駕諸生爲時施五侯座上烹  
羊魚羔酒酣耳熱歌風弄騷冬烘頭腦屢壹鬱昌黎五鬼空喧  
囂一朝走東海萬頃飛輕舠平生蜃樓賦不減元龍豪傾詞陵  
樽注芳醪膾長鬚王煎龍膏纊車之鱗剝抵虎之螯與水夷  
揖讓天吳嬉遨使鮫妾調絲虬女擊璈海僧奏鼓海童播蕪羅  
轂纖纖起洛水珠瓔裊裊生江臯吁嗟乎人生行樂聽所遭愧  
黃杏紫何勞勞看今棘園吳虜塵頭白不得拖青袍乃爲暨子  
笑吾曹何如手把釣竿真釣鼈青蓑換却紫錦條於今徐君五十  
已過一老馬生駒同三槽晚年境遇差可喜翟卿足配彭澤  
陶謀之斗酒藏葡萄况有萼綠華來陳冰桃摘果獻壽同猿猱  
重陽節近客題糕滿城不作風雨嘈諸公詩思真滔滔我無澎湃  
之胸浩蕩之筆寫君觀海之鳥艚賦君棹海之漁筒隨波逐

浪爭肥橙得句自比寒蟲號

漁村

茅屋雨三椽雲邊與水邊就涼朝補網返照夜歸船蓬斷棲雜  
柵門開種蛤田猶聞沽酒市爭數賣魚錢

鹿步舟曉

時鄉人之痛未踰月

愁極不成寐雨多春更寒海風新病怯山色破篷看艇過迴颶  
急潮低上棹難偶聽雲際雁清淚落汎瀾

讀長慶集三首

錄一

積羽沉舟事可悲何曾新井賞花時青衫不爲沾司馬白首何  
因識荔枝紫閣金樽翻見奪燕樓瑤瑟肯相隨鴻才大抵多招  
妬唐鄧無年却怨誰

答屈超元八首

錄四

超元以藏翁山書入獄既而 恩免詩以慰之且答  
其獄中札也

曾檢離騷笑左徒憂謫何用大聲呼拚教察察投魚腹多事申  
申吾女嬃困桂有香成蠹腐木蘭餘露少沾濡始知輔果饒先  
識不及當年國士誅

道援堂前欲斷魂難憑青草對黃昏不將一死酬君父空著遺  
書累子孫鍊石已無天可補覆巢寧見卵猶存西陵臺下歌千  
疊擊竹傷心不忍論

臧羊獵犬記同魚穎上遙看送檻車今古幾人開免網乾坤容  
爾寄蝸廬鄒生就獄能吹律枚叔依梁自上書最惜驛鵠受羈  
綽孫陽消息近何如

親見青衣市上行名同劉向賜更生舊題詩句傷凝碧新感

朝恩歎絕縷入網珊瑚非挫折就磨銅鏡定光明尺書報我金  
魚夢掉尾幾勞溉釜烹超元在獄夢池中企鵝魚失水幾

格窮矣俄而水至復甦明日出獄

恭遇

皇帝八旬萬壽祝安南王八觀詩十首

錄七

聖壽而今軼有虞萬方臣妾樂歡呼中原競奏鈞天樂遠徼還  
觀蓋地圖享國豈論商大戊來庭爭羨漢單于南交本是羲  
和宅親見臣陀謁帝都

伏闕邊功寧數馬文淵  
水經繙閱識龍編銅柱崢嶸欲插天自昔貢儀惟白雉於今  
聲教溢朱蒼承塵入欵翁茶網擊楫從君錦將船不用長纓齊

拿圓山下富良江阿育王城築受降再稻八蠶今樂國九真交  
阤古蠻邦鴉頭弱女裙無褶跣足夸官語最噃萬里鯨波從此

息好尋勾漏泛輕艤

代身無事鑄黃金  
腳瑩親看詣上林  
騎象客來三島遠  
織紉人望五雲深承恩  
覩樓皆殊渥賜部龜茲盡好音  
歸語麋洽諸父老果然堯賴是當今

銅墨新頒冊府書  
藁街頻築遠人居  
波羅密清嚴霜後蟻子鹽分底貢餘羸屨音連  
銅船猶在否  
臯通神弩定何如  
鴻臚典客多奇傑  
珍重方言答象胥

俠遊曾憶謝升卿  
日下從陽火上名  
兩姓山河歸  
轡壘一般梟獍動天兵  
孤臣已向秦庭哭  
老將終期禹甸清  
得失由來同塞馬  
請看殷監莫方瀛

諄諄天語正襄忠  
視草詞臣禮最隆  
豈意杞侯方大去  
遂令鄒子遠來同塗  
山勝事猶如昨  
婁敬謀爲本至公  
百濟新羅俱

俯首從來奇策在和戎

遊華峯與山僧覺海

峯在增城西北，固初時有僧日南樵愛水石之勝，棲禪於大樹上。

士人謂之巢僧，與虎畫界而居。虎不違約食其守，大明日僵死樹下。山中人欲剝之，僧不可，穴而葬焉。虎

塚歸然獨存百年，來寺裏亦無虎患。

大隱今茲尙未能買山空負碧峻嶒穿雲怪石三千丈噴玉飛泉一萬層留骨有墳聞葬虎結趺無地說巢僧可能晚遂維摩願明月科頭卧翠藤

平原

因貪土黨拓韓原過聽鴻亭起蹴根馬服庸才誰遣將長平精卒未歸魂三年門下曾爲客一笑樓頭豈負恩紙有李談能獻策英姿颯爽至今存

信陵

嘆喟將軍虎豹屯羽書旁午走邯鄲侯羸旣老頭何惜王歎雖能瞻已寒七國幾人稱俊傑兩邦憑爾定危難博徒豈少毛公輩不見平原着眼看

懷田西疇兼寄陳紹堂

歌舞岡前遊侶稀風流回首事全非看花茂苑空春色吹篴寒山半夕暉不死與君成老大相逢何日重依違詞人止有陳琳在書劍飄零涕滿衣

屈凌氏節孝詩錄一

閭閻年來似戴益青燈幽咽憶王孫生無却扇溫郎夢死有磨笄趙女魂東海化霜終作恨西山啞石總成冤蛾眉謠詠真千古卽就宗宮問屈原

石門懷古四首

梓柯南下水漫漫蘋葉風生漢將壇百輿山河黃屋貴九秋烟  
雨石門寒空憐夜宴撞金斗不見西歸駕紫鸞千載樓船攻戰  
地蟬聲無那哭邯鄲

銀印翩翩老相臣那甘西去擁朱輪百年痛哭龍川夢萬里嬌  
嬈鳳閣春山走電光遙作畫水旆帆影疊成鱗前頭近接金山  
寺好向迦陵問夙因

誰傍朝臺憶老夫坐令楊僕下番禺五朝舊作蠻君長九郡新  
登漢版圖無事夜郎微鐵騎止煩甌駱諭蒼梧今逢四海爲家  
日賈客清歌出艤艤

森森靈洲弔逝川山如殘黛水如烟霸陵好夢爲蝴蝶真定先  
靈泣杜鵑園作訶林通彼岸官名扶荔是何年只今尋陝東流  
水不泊戈船泊釣船

題芸隱先生聽瀑圖呈其次君澧浦四首錄一

胸次能包萬仞山，浩然誰與辨潺湲。  
本來性體皆滂沛，偶與靈泉相往還。  
紅樹白雲秋雨後，丹梯碧嶂夕陽間。  
餘波流作澄江練，似此高人不等閒。

入峽經飛來寺

自驚身世在蓬瀛，坐着青山互送迎。  
百丈牽從雲裏過，一篙撐入壁間行。  
老僧幾處呼魚艇，帝子何年振鳳笙。  
猶有老猿最嗚咽，孫郎清淚可憐生。

維揚雜詠錄二

名山高會屬廬陵，一代文衡儘足稱。  
竊怪寺名標法淨反敎儒，望壓諸僧六朝綺。  
留裙屐三楚烟霞入杖藜，賴有天章高品藻。  
清風千載重賢能，平山堂賢守清風扁乃聖祖仁皇帝御書

衣冠不見梅花領忠儕吾欽史道鄰四鎮當時皆跋扈六宮何  
地不荆榛孤城落日多殘角野戍秋風少隻輪最恨懷寧空度  
曲襄陽飛檄付何人

出門

六十旬衰翁八千里長道家無擔石儲豈辨行裝好明知薄祿  
相何處覓安飽不見樂羊婦繚素惜手爪賤如竈下養但念征  
人老安識從王義促粧晨起早

天生作男子焉肯鬱蓬藜雲鶴負奇翼躍躍凌霄起蹶裏登廣  
途神氣直倍蓰豈不虞波濤其如戀蓬矢亦惜乖老別但恐伏  
轍恥駛之復駛之壯心豈能已

老儒久粗糲生不犬馬養而使虛墓間三牲缺珍享讀書亦何  
事乃爲此惱惱努力學干祿豈得辭鞅掌前途風雨橫鄰人勸

停儻整我木蘭橈乘流自今往

酥醪詠十首錄三

遊蹤不到處左割蓬萊股懊惱葛稚川占此瓊華宇翠峯凌斗  
杓鴻濛闢門戶澗水皆西流仙龕都北俯不聞凡鳥聲但覩靈  
禽羽

我來朱明洞悞入蓬萊島貝闕連珠宮琪花映瑤草偶逢白玉蟾  
醉卧白雲道白雲碎有聲飛花寒不掃胸中幾邱壑落落自搜討

雲山有詔護淵淵出金石蒼莽千樹寒嗚咽四山碧豈爲倦遊人  
撫弦怨遙隔誰抱太古心俯仰記今昔來此滌萬慮痼我林泉癖

嶺南羣雅

林伯桐

番禺劉彬華藻林輯

字桐君一字月亭番禺人嘉慶辛酉舉人著有秋樹山房詩稿

天柱灘

三冬走千里重裘猶未試半日上一灘朔風忽然至難易皆有數顛倒似相戲來舟急揚帆駿馬初脫轡去舟爭繫纜鷺鳥未舒翅險戒冒垂堂珍防投重器且住亦爲佳莫作留連刺舟人語喃喃須禱南風賜我聞便大笑天公難博施無屈卽無伸有歌宜有嘆江舟日無數一葉身原寄鴻爪偶東西雪痕那有意霎時到彼岸歡極無餘思漸入是佳境難進尤古誼時來會相

送遲速竟何異惟有詩酒歡不被石尤累臨流欲放歌禦寒且  
酣醉前程有天在吾心乃無事方將乘長風而爭尺寸利再拜  
謝江神躁競非吾志

揚州

遠水通淮凍漸消風流往事付寒潮二分明月開珠箔一路垂  
楊到板橋晝靜有人方顧鏡夜闌無客不吹簫竹西亭外春如  
夢合爲尋詩撥畫橈

漫興

烽燧連三楚旌旄耀六師天心原不殺國法自無私鼠竄渠魁  
獲狐鳴脅從疑秋風鼙鼓發露布不須遲  
見說沅湘路流民轉徙多室家心已絕衣食計如何出險誰懷  
土承恩有枕戈牛羊芻牧切庶政未憊苛

農謡

一人耕十人食農夫安得有餘力十人耕一人田農夫何者爲  
豐年天上地下無牆無瓦朝朝暮暮露處田野有婦能餚餉日  
中汗流赭有兒能驅牛田中泥沒踝驅牛復驅牛牛行但低頭  
高車怒馬誰邀遊賈人有稚子奴僕皆風流

游光孝寺遇馮佩亭之紳二首錄一

不爲逃禪只避喧此心何處動風旛新燈未見白蓮社舊雨都  
來甘露門陸朗川蕭幕村染包山皆讀書寺中小院看花春有脚夕陽臨水鏡無  
痕番山明月相同否預約涼宵仔細論佩亭言此間月夜風景甚似番山

登九成臺

南北一關開登臨尚有臺四山依樹出兩水夾窓來虞帝傳疑  
事蘇公絕代才何當訪韶石詩境久徘徊臺上有詩境二字石刻

度大庾嶺

六年不作春明夢，纔說登臨壯志存。  
野樹飽霜皆有色，敝裘經酒已無痕。  
異鄉情話依朋友，一室絃歌憶弟昆。  
鴻鴈再飛猶向北，男兒那得守家園。

雪霽

春雪一時消春光，動柳條。人才多白屋。  
客路近紅橋，簾捲初迎日。  
舟停似待潮，野鳧三五個。  
水際也蕭蕭。

雜詩

天下有治本，民命在衣食。  
沃瘠生有地，貧富耀無極。  
君子重修名，賤者必勞力。  
自從戰國來，四民罕常職。  
欲耕非先疇，欲學非舊德。  
而况舟車通，輕易離鄉國。  
百事不肯親，一飽何由得。  
丹砂化黃金，難從虛牝塞。  
所以賈長沙上書三嘆息。

王肥與沈瘦狂癡各有宜短簿與長頭品頤亦隨時暗中能摸索此語真吾欺名士用皮相所見皆毛錐捉刀有英雄吹竽多兒嬉望塵便下拜覲面俄生疑汪汪千頃波安得一望知士龍仰天笑相士皆如斯

山國貴魚鱉澤國貴鹿豕生物豈殊別人情自遷徙當其地所賤上品人亦鄙及其地所貴降格人亦喜若使能易地軒輊兩不止若使能易形轉移更求似萬物唯無知安安各生理

舟中夜起

天遠江平水不流羣山萬木一扁舟森森風露催華月閃閃星河近素秋萬里行途真野鴈誰家清夢到沙鷗吟成不敢燃犀照或有神龍夜出遊

張南山 維屏招同金藝圃菁莪駕部金裳繡菁藻訪浮

邱古蹟

神仙經過誰能留仙蹟何有唯丹邱金丹變化我未見珊瑚井

水今長流

今寺內有井卽志所云珊瑚井也

志良朋招要及佳日城西追逐同荒

陬小門深閉來者罕遠山在目天光秋井旁脚跡略可辨寺童

驚詫僊羊伴抱樸鍊丹已典午

晉葛稚川

王子並駕原東周

志稱丹於此

舊宮觀明時浮邱井前有朱明館今廢相傳門戶通羅浮

志稱浮邱山爲羅浮朱明之門

滄

桑往事豈悉數牆邊山石曾停舟

志云宋初有百二十歲老人言兒時見浮邱山足舟數千

浮邱

四畔篠琅宛然今

水四里餘矣堂中一塔現佛座四面鑄象皆精鏤南面

浮邱距水四里餘矣堂中一塔現佛座四面鑄象皆精鏤南面

佛手有小佛腳承四鬼如盤蚪浮邱丈人在何處吹笙搢袖俱

難求

吹笙亭挹袖軒俱廢騷人行歌自懷古僊客羽化應忘愁井中泥渫

豈可汲杯茗却類童蒙求

有少年讀書於此贊若見鈔

忽思大通煙雨井二

亭高築當牆頭游人小憩分眺望風帆沙鳥皆清幽如何此地  
無好事坐令瓦礫迷僊洲願從仙人借金豆志稱浮邱丈人撒豆成金披襟  
拾翠供清游蒼苔之草尙蔓衍此種却與靈芝儔志稱珊瑚井旁多希蓋草  
三月上巳游人多往採擷年年採擷釀仙酒要呼洪崖傳觥籌春秋禊事有  
觴詠詩成當與仙人謀

汪貞石

鳴謙

太史招同張大南山

雜居

胡五蔚

嚴豹文

金二十三醴香

菁茅

劉八寅甫

廣禮

小集

東風吹雨千門春華筵明燭呼同人同人徃年別鄉國歸來舊  
雨猶比鄰雪泥往事留指爪薑桂回味餘甘辛酒酣同讀車中  
篇太史以車中行見亦刻畫詳盡形容真看花馬蹄亦勞頓席帽驢背尤  
風塵乃知鄉園有真樂山林鐘鼎休斲斲玉堂綵衣戲日永此  
意却勝懷鱸尊更聞著書欲乘興那娘假館當河濱久客言歸

愛鄉樹居人望遠思征輪胡君總角能入蜀峩眉山水看嶧崿

詩篇句句有清氣書生豈得辭闕津去年吾黨遊吳會春花雪

後方鮮新後來京華同旅寓黃槐換葉兼新陳尋常一物亦如

此瞬息萬里宜無恨張郎下筆倒峽水能將此意言彬彬

南山席上

詩成無論在家與在客良朋樂事乘良辰人生離合如有意盈盈

一水相思均貞石蔚嚴醴香皆館河南

南山賓甫與余皆在城中談深已覺雨點歇夜漏

不隔重城闥明朝酒醒或憶此高齋聽雨真良因

嶺南羣雅

番禺劉彬華藻林輯

葉蘭成

字子信一字秋風嘉應人嘉慶甲子舉人著有聽泉小草  
與特偕姪遊西鄙石壁

瓜牛廬半弓局促思幽探鴛言適西村之子路能諳堯教忘所  
苦寂歷有餘耽杉腹裂辱豁松毛垂鬢髮巨崖古藤瘠幽徑野  
花醜長河繞其下亂石堆枯潭渾流一相激抑怒兩不甘噴沫  
射絕壁驚霆殷層嵐此灘實峻險有如撞戈鎔朝來掀頭船擊  
破已二三水陡楫師怖山高遊屐貪鳥聲深嘆惜人影暗趨邇  
森然滿寒綠枯坐慵回駂

傷歌行

出門望四野寒色何蒼然秋風鳴枯枝葉落飛翩翩  
折遊子心斷絕素冠行周道淚盡變爲血啾啾檐外烏反哺尾  
畢逋母沒不能葬生男不如無舉世賤遊子商歌臨風起哀哉  
鮮民儔雖生不如死

讀李秋田光昭詩題贈

松柏生高岡寒飄恒蕭蕭勁質凌雪霜難悅時人目灼灼桃李  
花滿山總麤俗如何好遊子百轉看不足卓哉秋田生磊落尙  
奇服作詩百餘首力追皇古躅思幽鬼琢肝氣盛雷輶腹大力  
蹴龍象神樂滿坑谷嗟彼末世士嗜瑣安敢讀我老悲不嫁目  
成子何辱手詩持示我戢戢如筍束三年困窮愁常令鎖深檳  
今夕涼雨過囊牖纖暑伏篝燈咏子詩乙夜不得宿美才歎遭  
屏煩冤一何毒荆璞苟在御三刖焉足恧蒼壁禮天神待子明

穆穆勉旃慎自愛無爲怨幽獨

讀顏湘帆崇衡詩題贈錄一

古人事著述貴以明其志其辭雖惝恍翛然自高寄豈如末世  
土炳烺乏深思我讀湘帆詩煥若春華麗願言采秋實高詞鬱  
幽意友道尚不欺媿要恥流輩才遠不相逮竊比老馬智妄語  
君勿嗔相期蓋非細

泊蓬萊灘

孤舟泊崖下石壁夜崢嶸老鶴如人欵空灘學雨聲上方疎磬  
斷永夜佛燈明不寐懷身世中宵百慮榮

寄李繡子

繡平茂才二首錄一

並有千秋志相看感歲華幾年同失路萬事屬搏沙閣道悲騏  
驥豐城隱莫邪買山何日可歸種故侯瓜

碧玉曲倣義山

義山沉淪記室其詩多託爲閨中之辭寓意微婉讀者悲之以爲得三百篇之旨焉暇日輒倣其體作碧玉曲

碧玉小家女能得君王意背人割銀光偷寫承恩字紅桂日高金鑛澁花房軟折春風翅感君口吃不能言手燃流蘇有別意  
自潮州之南澳途中作

登程適窮海命駕趁晨光橋鑠河煙白峰凝海氣蒼潮田收稻早野水渡人忙咏罷牆蒿曲臨風黯自傷

南澳午日二首錄一

哭母悲兄恨大頻  
郝堪仲氏更傷貧  
雙棺營葬知何日  
千里依人復此辰  
却羨團圓泉下樂  
空餘顚額客中身  
夜臺亦有端陽

否憶飲雄黃

先慈在日每端午輒令家人飲雄黃酒

送家錫菴守戎巡海

羨君意氣似張騫此日乘風傲海天秋宇雲消開蜃窟樓船風  
靜按龍泉卽看楊僕偏師出莫使孫恩隻艦還自笑書生能草  
檄談兵尙想勒燕然

六月六日抵里

初夏始往拾海月未秋先已返衡門何人爲割牛心炙半壁仍  
懸犢鼻禪滿徑夕陽杉繞屋一渠新水稻連村細君不恨歸裝  
薄爲煮松花共靜論

寄溫謙山舍人四首

錄一

吾叟豈威鳳何居文采新冥心破天械高步揖經神晞髮選樓  
上采風炎海唇先民有遺草託以壽千春

卷一百零一  
端州

開府當年節制雄時清不復駐元戎斃鷺零落斜陽裡石獸荒涼蔓草中雲氣遠含林邑雨潮聲近挾海門風望江樓上閒登眺幾處漁歌出葦叢

上溫莘圃廉訪錄一

吾粵地瀕海番舶琛寶貢奈何潢池兵赤子乃盜弄養齧彼何心吮血此堪慟齧帆竟橫飛犀弩孰爭控波濤爲之腥魚鼈咸甚恐可憐林將軍虎門錄名國百職死有餘痛至今新安縣談者淚如漚尚書天百公威名范韓重惟公賦同仇軍事言必中一

朝絕寇糧困若鱉處甞思明有高李驍鷺各擁衆臨淮設神謀自縛欵爭迭遙遙千載來智勇相伯仲謂張保鄆學顯之降京觀築高雷天宇豁氣霧屈指百餘年奇功壓蠻洞杜牧有罪言露布今喜

誦請待紀略成公撰平海紀略未成更作摩崖頌萬古照南荒嚇彼猺獞種

感懷

急絃無緩響窮士多悲聲所希聽者聽審音識其情昨逢誇毗子裘馬遊公卿此輩安足道氣缺徒爾橫客貧絕衣食家室憂兼并不如賣漿贋猶能養其生投詩與知已沉痛結中誠向日不垂照葵心空復傾丈夫一失路乃爲臧獲輕滔滔望南海洪濤駕蓬瀛天吳與海若怒嘯使人驚吾師盧敖子寂寞求無名何當從之遊披髮翔太清

賓谷師賞雨茅屋圖

萬古秋士心釀出幽雨滴一氣彌八荒寸寸古愁碧人間愁有根得雨怒芽磔吐向詩與畫煙雲鬱堆積羨公明月身清光耿耿

肝鬲一塵不使沾百慮自然釋論詩憶司空寫圖寄高格畫師  
非俗手妙會詩老癖指挾雨聲來濕氣漲空白嵐光隱復現澗  
響喧或寂松老鱗盡皴石冷骨逾瘠筆墨黯經營谿巒紛姽婳  
人世有斯境縛茆亟移宅惜公繫重望四海一安石何緣乞閒  
身獨樂隱幽僻願且爲說霖油油布甘澤一慰蒼生思掃此飢  
寒迹吾儕斷愁吟心聲奏和懌隨公上匡廬雷雨歎絕壁傲彼  
中條山奇境更獨闢

光孝寺虞仲翔新祠落成敬賦呈賓谷師

茲焉歲在辛金鑾序行竭公來甫再秋膏雨蘇萎芥政清民用  
和理得性彌悅攜儔虞苑遊讀畫古繅綴緬昔虞仲翔南金詎  
敢襲習經枹鼓間筮仕令史列浮海從舊君高義迴寥沈歸來  
事孫郎說敵兵不血獮兒真英雄豁達高祖將功曹作蕭何子

布安可絜惜哉討逆死家寶遽陵蔑尋其遠徙由直諫常憤結  
埋骨終瘞鄉憂邊望君闢孝廉亦豚犬屈膝事閹孽慕其殺文  
舉周舍悔徒切同時諸大臣莫敢逆鱗批伯言以憂亡暨艷舍  
憤滅嗟辱仲翔卿僅免齒鋼鐵窮愁獨著書講學授來哲故宅  
遺訶林儼然龍象設又云城北隅廟屋亦頽撤莫由觀奠輪奚  
自薦槐楊我公久彷徨感嘆中腸熱奉王還舊居捐貲備除潔  
高文婉蔚宗深刻壯貞碣煌煌日星垂六丁安敢掣舉廢典斯  
崇安靈虔甫揭盛事城野傳觀碑衆闌咽庶幾教臣忠永以貞  
士節作詩告鄉人瓣香此焉爇

韓東老先生聽鐘樓詩集題詞

山林棲遯儔枯槁夙貽誚自非奇偉懷模範豈能肖先生澹若  
人谿巒供詩料獨契知仁樂長謠山水調吳越千里間扶輿故

清寥筇杖侶孤雲笠屐翻夕照逸情蕩威紆奇狀窮危峭寫入詩句中一一斂衆妙讀者如卧遊應接勝登眺彷彿白雲中猿鶴時一嘯

先生有道者毋乃魯連儔有子旣開府依然寒素修高義貌干乘豈爲軒冕留望古獨興嘆慨慷不能休有時或撫事感激心如妯一於詩是發高情鬱重秋其詩豈徒作志在挽澆媿纏綿忠厚意繙繩生民憂比興至深切美諷何溫柔風雅道不息請爲商聲謳

嶺南羣雅

番禺劉彬華藻林輯

林家桂

字辛山吳川人嘉慶甲子舉人著有軒軒軒詩集

王審山房詩話高州詞人余所知者辛山及電白三邵父子辛山古詩踔厲風發近體佳句如夜靜市聲細月低人影長江隨諸嶺轉舟楫兩崖奔懷人開卷晤近海得秋多雨結秋聲溫宵長戊鼓訛漁燈入水星浮出山影沈江樹倒生爭渡人喧鄉語雜打魚船過市風腥鳥難狀之景如在眼前

題家特巖明經掃花坐晚涼小照

有手不寫北風圖有腰不佩招涼珠得閑且復坐斯須清涼之國歸吾廬爲此圖者非倪迂令我熱腦毛骨蘇搖扇不用平頭奴猶憶前歲同書厨繼愛亭側蓮花扶雲坪都督紛招呼作詩消夏君與吾落花風軟天將晡此景人畫猶模糊昔今陳迹如

此夫熱中汗背胡爲乎

七月十二日與招畫埜陸颺墀李鑑東李柏巖羅澄川

馬雲谷小飲觀山仍用東坡聚星堂韻

我昔北遊乘一葉平山直上小香雪萬徑松風捲怒濤五月如  
秋氣清絕往事侵尋忽十霜世路崎嶇驚九折閒蹤偶此追懽  
娛真諦從茲證生滅談禪衆口詫雷奔看山兩眼如電掣林聲  
槭槭入盃鳴江色鱗鱗鋪錦纈此席雖無海陸珍有味若和薑  
桂屑生門牕影回頭空鴻爪雪泥轉眼瞥灑墨跳珠擁樹來舊  
雨停雲揮塵說君等未可誤山林會有 天書徵老鐵

次樊雲坪都督過鄒暮山至龍門防海韻

南交南之南廉乃古荒服諸葛銅鼓埋新息馬足逐余清有鉤  
遺費詣所卯伏孟操如冰清陳節若山疊翠賢濟恩威一洗陋

嚴谷分茅忽已斷大廉爲之續龍牙多旗張畫轡等盃覆平坡  
如雲濤長原似艤舳地雷空殷殷兔置亦肅肅山路直如弦巖  
石利於鏘高峰頭欲昂遠岫首盡縮野曠黃稻廉州山名攢巖空白

雲宿秦時木客行楚騷山鬼哭瘴氣變陰晴蠻花亂遲速兩山

忽巒連一人如壁複大山宮小山縱目在天目融結有珠池講

院少嶽麓高高復下下油油雜蔽蔽清溪曲迴腸惡浪高壓屋  
捕魚力代耕濟筏編以竹上山又五黃廉州名我身如一穀聳肩

若連雲嵐重疑折軸人方嗟路難我喜獲眼福流連戀光景比

例擬貪贍拂袖歸去來擺脫瘴癘毒榔暮諸岡轚車馬尙懸束

戊辰余客遊廉州擬遊欽州分茅鄙暮諸山不果今春報蠢動小腆肆殺戮猶傳漢詔

寬尙恢湯網祝天下馬將軍人聞歸太僕謂楊觀察星園先生已足讐百  
蠻不俟用三木遁之如鳥散降者亦容蹙刃樓絕烽煙營門息

刺啄長公天涯亭陳瓘壁記讀歸示我以詩敢拜命之辱虎嘯  
風英英鳳吟聲足足觸撥舊遊情想像今擊轂學步一含毫亦  
云集匪獨

題蔣雙湖天際歸舟圖次韓桂船中丞韻

金陵曾煮桃花粥燕市誰分綱餅茶寸草心情榮彼岸三吳骨  
月散如沙書無伯約當歸寄義足希文復姓誇此去蔣侯山外  
路帆擋點點繞慈鴉

擬張茂先勵志詩

大塊逆旅年歲客遊前過後逐行靡盡頭今此何夕又月之秋  
采采其實懿彼純修其修惟何植志爲幹旣養靈苗汲古澆灌  
收杼濯濯斧戕旦旦初哉首基十得其半前詣有言心亨謂坎  
殆厲生明佚耽致闇束固筋膚張明心膽雷動風飛泰宇夷澹

此厥不定進谷退谷如駕千里中道脫輶如田斯田棄彼碌碡  
載震載興載曷載夙精衛塞海大海弗填蚊蠅負山高山弗顛  
彼物而微其力則綿矧伊人矣曷云其延心苦鑒洞氣和力剛  
如火之觀如膽之嘗如春之曙如秋之霜四者體備厥聲硯硯  
其聲聿駿其事有由萃甲毫末養爲蔽牛斷村敝甃累爲危樓  
蹄涔觴澑匯爲洪流茲事雖細可以喻學靈源內湛英聲遠踔  
德寓泓泓巍望嶽嶽天外三峰特露頭角尋源反要奧研幽探  
守不厭吝學不厭婪守跛得駿茹棄得甘此謂知本敬書笑三

舟晚

秋波寒澈午風清葉葉帆圓客舸輕沿岸人家園竹暗傍巖漁  
火隔烟明江沉夜氣山無影棹擊流光月有聲擬向驪珠臺上